

新式
標點
孔子家語

朱公振先生評註



上海
文新出版
社行刊



點 標 式 新

語 家 子 孔

註 評 振 公 朱

行印社版出新文海上

本書考略

孔子家語者，皆當時公卿士大夫，及七十二弟子之所諮訪交相對問言語者，既而諸弟子各自記其所問焉，與論語孝經並時，弟子取其正實而切事者，別出爲論語，其餘則都集錄，名之曰孔子家語。凡所論辨流判較歸實，自夫子本旨也。屬文下辭，往往頗有浮說，煩而不要者，亦猶七十二子各共敘述，首尾加之潤色，其材或有優劣，故使之然也。孔子既沒而微言絕，七十二弟子終而大義乖，六國之世，儒道分散，遊說之士，各以巧意而爲枝葉，唯孟軻孫卿守其所習。當秦昭王時，孫卿入秦，昭王從之問儒術，孫卿以孔子之語及諸國事，七十二弟子之言，凡百餘篇與之，由此秦悉有焉。始皇之世，李斯焚書，而孔子家語與諸子同列，故不見滅。高祖剋秦，悉斂得之，皆載於

二尺竹簡，多有古文字。及呂氏專漢，取歸藏之，其後被誅亡，而孔子家語乃散在人閒，好事亦各以意增損其言，故使同是一事，而輒異辭。孝景皇帝末年，募求天下禮書，于時士大夫皆送官，得呂氏之所傳孔子家語，而與諸國事及七十二子辭，妄相錯雜，不可得知，以付掌書，與曲禮衆篇亂簡合而藏之祕府。元封之時，劉向仕京師，竊懼先人之典辭，將遂泯滅，於是因諸公卿士大夫，私以人事募求其副，悉得之，乃以事類相次，撰集爲四十四篇，又有曾子問禮一篇，自別屬曾子問，故不復錄。其諸弟子書所稱引孔子之言者，本不存乎家語，亦以其已自有所傳也，是以皆不取也。家語一書，爲蒐集關於孔子之事，集錄之者，本爲孔子後世孔安國。孔安國字子國，孔子十二世孫也。孔子生伯魚，魚生子思，名伋，伋常遭困于宋，作中庸之書四十七篇，以述聖祖之業，授弟子孟軻之徒數百人，年六十二而卒。子思生子子上，名白，年

四十七而卒。自叔梁紇始出妻，及伯魚亦出妻，至子思又出妻，故稱孔氏三世出妻。子士生子家，名徹，後名永年，四十五而卒。子家生子直，名楷，年四十六而卒。子直生子高，名穿，亦著儒家語十二篇，名曰讎言，年五十七而卒。子高生武，字子順，名徹，後名斌，爲魏文王相，年五十七而卒。子武生子魚，名鮒，及子襄，名騰，子文名衲，子魚後名甲，子襄以好經書博學，畏秦法峻急，乃壁藏其家語孝經尚書及論語於夫子之舊堂壁中。子魚爲陳王涉博士，太師卒。陳下生元路，一字元生，名育，後名隨，子文生最，字子產，子產後從高祖以左司馬將軍從韓信破楚於垓下，以功封蓼侯，年五十三而卒。諡曰夷侯。長子滅，嗣官至太常，次子襄，字子士，後名讓，爲孝惠皇帝博士，遷長沙王太傅，年五十七而卒。生季中，名員，年五十七而卒。生武及子國，子國少學詩於申公，受尚書於伏生，長則博覽經傳，問無常師，年四十爲諫議大夫，遷侍中博

士。天漢後，魯恭王壞夫子故宅，得壁中詩書，悉以歸子國。子國乃考論古今文字，撰衆師之義，爲古文論語訓十一篇，孝經傳二篇，尚書傳五十八篇，皆所得壁中科斗本也。又集錄孔氏家語爲四十四篇，既成，會值巫蠱事，不施行。子國由博士爲臨淮太守，在官六年，以病免，年六十卒于家。其後孝成皇帝，詔光祿大夫劉向，校定衆書都記錄，名古今文書論語別錄。子國孫衍爲博士，上書辯之曰：臣聞明王不掩人之功，大聖不遺人小善，所以能其明聖也。陛下發明詔，諮羣儒，集天下書籍，無言不悉，命通才大夫，校定其義，使遐載之文，以大著於今日，立言之士，垂於不朽，此則蹈明王之軌，遵大聖之風者也。雖唐帝之煥然，周王之曠曠，未若斯之極也。故述作之士，莫不樂測大倫焉。臣祖故臨淮太守安國，建仕於孝武皇帝之世，以經學爲名，以儒雅爲官，讚明道義，見稱前朝，時魯恭王壞孔子故宅，得古文科斗尚書孝經論

語，世人莫有能言者，安國爲之今文，讀而訓傳其義，又撰孔子家語既畢，會值巫蠱事起，遂各廢不行于時，然其典雅正實，與世所傳者不同，日而論也。光祿大夫向以爲其時所未施之，故尙書則不記於別錄，論語則不使名家也，臣竊惜之。且百家章句，無不畢記，況孔子家語古文正實而疑之哉？又戴聖近世小儒，以曲禮不足，而乃取孔子家語雜亂者。及子思孟軻孫卿之書以裨益之，總名曰禮記，今尙見其已在禮記者，則便除家語之本篇，是滅其原而存其末，不亦難乎！臣之愚以爲宜如此爲例，皆記錄別見。孝成帝許之，未卽論定，而遇帝崩，向又病亡，遂不果立。今之家語，相傳爲魏王肅割裂諸書而成，王肅字子雍，東海人，官至領軍散騎常侍，喜注書。王柏家語考曰：十四篇之家語，乃王肅自取左傳國語荀孟二戴記割裂織成之，孔衍之序亦王肅自爲也。獨史繩祖學齋佔畢曰：大戴一書，雖列之十四經，然其書大

抵雜取家語之書，分析而爲篇目，其公冠篇載成王冠祝辭內，有先帝及陛下字，周初豈曾有此家語，止稱王字，當以家語爲正云云。今考陛下離顯先帝之光曜已下篇內，已明云孝昭冠辭，繩祖誤連爲祝雍之言，殊未之考。蓋王肅襲取公冠篇爲冠頌，已誤合孝昭冠辭於成王冠辭，故刪去先帝陛下字，竄改王字，家語襲大戴，非大戴襲家語，就此一條，亦其明證，其割裂他書，亦往往類此，反覆考證，其出於肅手無疑，特其流傳既久，且遺文軼事，往往多見於其中，故自唐以來，知其僞而不能廢也。其書至明代，傳本頗稀，故何孟春所註家語，自云未見王肅本。王鏊震澤長語，亦稱家語今本，爲近世妄庸所刪削，惟有王肅註者，今本所無多具焉，則亦僅見之也。明代所傳凡二本，閩徐勣家本，中缺二十餘頁，海虞毛晉家本，稍異而首尾完全，今徐本不知存佚，此本則毛晉所校刊，較之坊刻，猶爲近古者矣。

本書提要

孔子家語，學者皆知其係雜采而成，無待證辯；但其大要，皆爲關於孔子之事，書中所述，多爲孔子與當時公卿大夫及弟子諮訪交相對問之語，而爲諸弟子之所各自記出者，其文多與禮記左傳相發明，或加節約，或加擴充，但其爲義無悖於經訓，而其行文，則亦不無可取也。

家語一書，述孔子之言行，有四十四篇，當時與孔子諮訪對問者，有公卿，有大夫，有弟子，有賢者，定公哀公宋君，公卿也；伯常騫南宮敬叔季康子，大夫也；仲由子貢冉有曾參言偃，子路顏淵宰我子張，弟子也；榮聲期高庭老聃鄰子，賢者也。舉凡交相對問之語，錄而集之，茲將全書內容，擇要言之。

家語內容，大別有三，有記孔子之言者，有記孔子之行者，有記孔子弟子

之行者。其記孔子之言也，皆爲孔子與當時公卿大夫及弟子之答問，至其所言，則不外以下五端：

一、言治國——治國在能行明王之道，——王言解篇——與哀公言爲政之道，——哀公問政篇——與子張論入官之方，——入官篇——用刑主慎，必刑政相參，乃可治化，——五刑篇刑政篇——爲宰我季康子言五帝之德，——五帝德篇五帝禱篇——而以執轡之術，以喻治國之要，乃在以德以法——執轡篇。

二、主重禮——禮所以治政安民，藉以規定名分，節制人情，養成道德習慣者，孔子閒居，與子貢子張子游論及於禮，——論禮篇——以明禮之大。答哀公言偃之問，——禮運篇——以明禮之大；與子羔言立廟之制，——廟制篇——以明禮之不可不尊，禮有昏姻之禮，——大昏解篇——有鄉射之禮，

—觀鄉射篇—有郊祭之禮—郊問篇—有冠禮—冠頌篇—有喪葬

祭祀之禮—曲禮子貢問篇子貢問篇公西赤問篇—禮之貴可知矣。

三、尊儒行 言儒行之尊讓，而使哀公終世弗敢復以儒爲戲—儒行解

篇—解人類之五儀—五儀解篇—述君子之三恕，三思，三患，三恕篇

好生篇—而君子行己之道，則以六本爲要務—六本篇

四、勤教誨 孔子之教門弟子也，有善則稱，有過則戒，子路之善於事親，

子羔之善於爲吏，曾子之善於安身，子賤之善治單父—觀思篇—孔

子稱之，其有過也則戒之，其戒子路也，勿盛服氣傲—三恕篇—勿明

君之無惠，而見之德美，勿釋古道而行己意—觀思篇—其戒子貢也，

勿自高其行—觀思篇—舉丘吾子事，以勸弟子之孝思—觀思篇—

觀周廟金人之臧口，乃戒弟子之勿患口過—觀周篇—孔子之循循

善誘，誨人不倦，由此可見。

五、善賢者。孔子於當時公卿大夫士庶之賢者，無不稱善而揚之，以衛靈公之能用賢，而次之於賢君，以鮑叔子皮之能進賢於君，而目之爲賢大夫。——賢君篇——他若申信之信，莊王之賢，子產晏子之仁，史魚子西之諫，孔子皆稱善而樂道之也。

其記孔子之行也，則亦有五。

一、家世。有本姓解終記解二篇，本姓解篇，記孔子之所由生，終記解篇，則記孔子之終也。

二、好學。孔子好學精神，至老不倦，問禮於老聃——觀周篇——問樂於師襄——辯樂解篇——而復自謙，有所恥，有所鄙，有所殆，以兢兢自惕焉。

三、治國。孔子爲魯相，三月太治，行尊君卑臣之政，歸魯之四邑及汶陽。

之田——相魯篇——誅少正卯——始誅篇——是以四方客至，皆如歸焉。

四、遭厄——孔子厄於陳蔡——在厄篇——激憤厲志，自歎不遇於時，後復畏

於匡，遇困於蒲——困誓篇——聖人生於亂世，道不得行，良可慨也。

五、辯識——孔子之辯，無所不確，其辯物也，辯木石水土之怪，知巨骨與隼

之由來；其辯樂也，知子路之樂，無意先王之制，而習亡國之聲，可知孔

子博學多能，固無所不知也。

其記孔子弟子之行也，則有二：

一爲弟子行篇，孔子之言弟子之行也。

一爲七十二弟子解篇，記孔門七十二弟子之皆升堂入室者。

家語提要，略述如是，藉示全書之綱領，而爲學者特別指引耳。學者其精

讀深思，玩索而求之也可。

新式標點
分段注釋

孔子家語讀本目次

卷首

本書考略

本書提要

卷上

相魯第一

始誅第二

王言解第三

大昏解第四

儒行解第五

問禮第六

五儀解第七

觀思第八

三恕第九

好生第十

觀周第十一

弟子行第十二

賢君第十三

辯政第十四

六本第十五

孔子家語讀本 目次

辯物第十六

哀公問政第十七

顏回第十八

子路初見第十九

在厄第二十

卷下

入官第二十一

困誓第二十二

五帝德第二十三

五帝第二十四

執轡第二十五

本命解第二十六

論禮第二十七

觀鄉射第二十八

郊問第二十九

五刑第三十

刑政第三十一

禮運第三十二

冠頌第三十三

廟制第三十四

辯樂解第三十五

問玉第三十六

屈節解第三十七

七十二弟子解第三十八

本姓解第三十九

終記解第四十

正論解第四十一

曲禮子貢問第四十二

子貢問第四十三

公西赤問第四十四

新式標點
分段注釋

孔子家語讀本 卷上

朱公振編

相魯第一

孔子初仕爲中都宰，制爲養生送死之節，長幼異食，強弱異任，男女別塗，路無拾遺，器不彫僞，爲四寸之棺，五寸之槨，因丘陵爲墳，不封不樹，行之一年，而西方之諸侯則焉。定公謂孔子曰：「學子此法魯國何如？」

孔子對曰：「雖天下可乎，何但魯國而已哉！」於是二年，定公以爲司空，乃別五土之性，而物各得其所生之宜，咸得厥所。先時季氏葬昭公于墓道之南，孔子溝而合諸墓焉。謂季桓子曰：「貶君以彰己罪，非禮也。今合之，所以掩夫子之不臣。」由司空爲魯大司寇，設法而不用，無姦民。

【要旨】 是言孔子治魯之道。

【注釋】

(一)中都 魯邑名。

(二)棺槨 棺所以歛屍者，外棺曰槨。

(三)不封不樹 不聚土成坟，亦不植松柏也。

(四)則 取法也。

(五)定公 昭公之弟，任孔子爲相，魯國大治，後不意聽桓子所爲，三月之治，廢於三日。

(六)司空 官名，周時爲六卿之一，掌水土之事。

(七)五土 一曰山林，二曰川澤，三曰丘陵，四曰墳衍，五曰原隰。

(八)厥 同「其」。

(九)季氏葬昭公於墓道之南 季平子逐昭公，死于乾侯，平子葬之於墓道之南，不令

近先公，所以表貶君之意。

(一〇)溝 溝而通之也。

(一一)季桓子 季平子之子。

(一一)大司寇 官名，古六卿之一，掌刑事者。

定公與齊侯會于夾谷。孔子攝相事，曰：「臣聞有文事者，必有武備，有武事者，必有文備。古者諸侯竝出疆，必具官以從，請具左右司馬。」定公從之。至會所，爲壇土階三等，以遇禮相見。揖讓而登，獻酢既畢，齊使萊人以兵鼓諺劫定公。孔子歷階而進，以公退，曰：「士以兵之，吾兩君爲好，裔夷之俘，敢以兵亂之，非齊君所以命諸侯也。裔不謀夏，夷不亂華，俘不干盟，兵不偪好於神，爲不祥，於德爲僇，於人爲失禮，君必不然。」齊侯心忤，麾而避之。有頃，齊奏宮中之樂，俳優侏儒戲於前。孔子趨進歷階而上，不盡一等，曰：「匹夫僇侮諸侯者，罪應誅，請右司馬速加刑焉。」於是斬侏儒，手足異處，齊侯懼，有慙色。將盟，齊人加載書曰：「齊師出境，而不以兵車三百，粢從我者，有如此盟。」孔子使茲無還對曰：「而不返我汶陽之田，吾以共命者亦如之。」

齊侯將設享禮，孔子謂梁丘據曰：「齊魯之故，吾子何不聞焉？事既成矣，而又享之，是勤執事，且犧象不出門，嘉樂不野合，享而既具，是弃禮也。若其不具，是用糝^三，也用糝^三，辱君，弃禮名惡，子盍圖之。夫享所以昭德也，不昭不如其已。」乃不果享。齊侯歸，責其羣臣曰：「魯以君子道輔其君，而子獨以夷翟道教寡人，使得罪於是。」乃歸所侵魯之四邑^二及汶陽之田。

【要旨】叙孔子外交勝利。

【注釋】（一）齊侯 齊景公也。

（二）夾谷 地名，今山東萊蕪縣有夾谷峪。

（三）竝 併也。

（四）左右司馬 官名，爲六卿之一，掌軍旅之事。

（五）遇禮 會遇之禮，是禮之簡略者。

（六）酢 客酌主人曰酢。

(七)萊 齊之東夷，哀公六年，齊滅萊。

(八)諺 子紺切，搯鼓曰諺。

(九)蹶階 踰階也。

(一〇)裔夷之俘 裔邊夷狄所獲之俘虜也。

(一一)神 指盟誓之神而言。

(一二)僖 同愆，音虧，差錯也，不軌於正道，謂之愆義。

(一三)麾 以手指揮也。

(一四)俳優侏儒 雜戲曰俳優，短小人戲曰侏儒。

(一五)葵 音莖，聞而惑也。

(一六)載書 卽盟書也。

(一七)窳 同「乘」。

(一八)茲無遠 魯大夫名。

孔子家語讀本 卷上

(一九)汶陽之田 齊有汶陽之田，本屬魯界。

(二〇)梁丘據 熟聞齊魯舊典者。

(二一)故 舊典也。

(二二)犧象 辨名。

(二三)弁 同「乘」。

(二四)糝稗 穀之不成者曰糝，草之似穀者曰稗，用糝稗言享不備禮也。

(二五)夷菴 同「夷狄」。

(二六)四邑 鄆、郚、龜陰。按春秋傳及史記，鄆、郚、龜陰三邑，則四邑似併汶而言。

孔子言於定公曰：「家不臧甲邑，無百雉之城，古之制也。今三家過制，請皆損之。」乃使季氏宰仲由墜三都。叔孫不得意於季氏，因費宰公山弗擾率費人以襲魯。孔子以公與季孫仲孫叔孫入於費氏之宮，登武子之臺。費人攻之，及臺側，孔子命申句須、樂頎勒士衆下伐之，費人北。遂墜三都之城。

強公室，弱私家，尊君卑臣，政化大行。

【要旨】叙孔子墜三都之城，實行尊君卑臣之政。

【注釋】（一）家，指卿大夫言。

（二）城，同「藏」。

（三）甲，鎧也。

（四）百雉，邑之高丈長丈曰堵，三堵曰雉。

（五）三家，魯大夫，皆桓公之後，孟孫懿子叔孫州仇季孫斯是也。

（六）三都，指費郕成三邑言，孟孫叔孫季孫之都也。

（七）叔孫，名輒，以庶子故，不得意於季氏。

（八）季孫，名斯。

（九）仲孫，孟襄子弟，名何忌。

（一〇）叔孫，名州仇。

孔子家語讀本 卷上

(一) 武子之臺 季孫宿所築之台。

(二) 北 敗北也。

初，魯之販羊，有沈猶氏者，常朝飲其羊，以詐市人。有公慎氏者，妻淫不制。有慎潰氏者，奢侈踰法。魯之鬻六畜者，飾之以儲價。及孔子之爲政也，則沈猶氏不敢朝飲其羊，公慎氏出其妻，慎潰氏越境而徙。三月則鬻牛馬者不儲價，賣羔豚者不加飾，男行者別其塗，道不拾遺，男尚忠信，女尚貞順。四方客至於邑者，不求有司，皆如歸焉。

【要旨】 叙孔子爲政，四方客至，皆如歸焉。

【注釋】 (一) 儲價 增價也。

(二) 有司 官吏也，設官分職，各有專司，故謂有司。

(三) 如歸 言如歸家有所也。

始誅第二

孔子爲魯司寇，攝行相事，有喜色。仲由問曰：「由聞君子禍至不懼，福至不喜，今夫子得位而喜，何也？」孔子曰：「然，有是言也，不曰樂以貴下人乎？」於是朝政七日，而誅亂政大夫少正卯，戮之於兩觀之下，尸於朝三日。子貢進曰：「夫少正卯魯之聞人也，今夫子爲政而始誅之，或者爲失乎？」孔子曰：「居吾語女以其故。天下有大惡者五，而竊盜不與焉，一曰心逆而險，二曰行辟而堅，三曰言僞而辯，四曰記醜而博，五曰順非而澤，此五者有一於人，則不免君子之誅，而少正卯皆兼有之，其居處足以擷徒成黨，其談說足以飾褻瑩衆，其強禦足以返是獨立，此乃人之姦雄者也，不可以不除。夫殷湯誅尹諧，文王誅潘正，周公誅管蔡，太公誅華士，管仲誅付乙，子產誅史何，凡此七子，皆異世而同誅者，以七子異世而同惡，故不可赦也。詩云：『憂心

悄悄一七，一八懼于羣小，小人成羣，斯足憂矣。」

【要旨】言少正卯兼有五大惡，故誅不可赦。

【注釋】（一）司寇 官名，古六卿之一，司刑事者。

（二）仲山 姓仲名由，卽子路也，孔子弟子。

（三）貴下人 言以貴驕人也。

（四）朝政 聽朝政也。

（五）少正卯 春秋魯大夫，孔子攝相事，以其亂政，故誅之。

（六）兩觀 闕名，闕者，爲二台於門外，作樓觀於上，中央闕而爲道也。

（七）女 同「汝」。

（八）醜 非義也。

（九）擻 音陬，聚也。

（一〇）登 烏迺切，惑也。

(一一) 尹譖，一作蠅沐。

(一二) 潘正，一作潘趾。

(一三) 管蔡，管叔與蔡叔也，疑周公不利於成王，挾武庚作亂，周公承成王命，東征誅之。

(一四) 華士，虛僞而聚黨者，故太公誅之。

(一五) 付乙，一作附里。

(一六) 史何，一作鄭析。

(一七) 悄悄，憂貌。

(一八) 愷，音醜，含怒也。

孔子爲魯大司寇，有父子訟者，夫子同獵執之，三月不別，其父請止，天子赦之焉。季孫聞之不說，曰：「司寇欺余。」曩告余曰：「國家必先以孝。」余今戮一不孝，以教民孝，不亦可乎？而又赦何哉？冉有以告孔子，孔子喟然歎

曰：「嗚呼！上失其道，而殺其下，非理也。不教以孝，而聽其獄，是殺不辜。三軍大敗，不可斬也；獄犴不治，不可刑也。何者？上教之不行，罪不在民故也。夫慢令謹誅，賊也；徵斂無時，暴也；不試則成，虐也；故無此三者，然後刑可卽也。書云：『義刑義殺，勿庸以卽汝心。』惟曰：未有慎事，言必教而刑也。陳道德以先服之，而猶不可，尙賢以勸之，又不可，卽廢之，又不可，而後以威憚之，若是三季而百姓正矣。其有邪民不從化者，然後待之以刑，則民咸知罪矣。詩云：『天子是毗，俾民不迷。』是以威厲而不試，刑錯而不用。今世則不然，亂其教，繁其刑，使民迷惑而陷焉，又從而制之，故刑彌繁而盜不勝也。夫三尺之限，空車不能登者，何哉？峻故也。百仞之山，重載陟焉，何哉？陵遲故也。今世俗之陵遲久矣，雖有刑法，民能勿踰乎？」

【要旨】 言用刑之宜慎。

【注釋】

(一)措 牢獄曰措，部禮切。

(二)不別 不決也。

(三)季孫 春秋魯大夫。

(四)冉有 卽冉求，春秋魯人，字子有，孔子弟子，仕爲季氏宰。

(五)犴 管岸，獄也。鄉亭之繫曰犴。

(六)謹誅 嚴誅也。

(七)不試則成 不加教導，而卽成之以刑也。

(八)義刑義殺勿庸以卽汝心 言刑殺皆當以義，勿用以就汝心也。

(九)毗 輔也，言師尹毗輔天子，使民不迷。

(一〇)錯 置也。

(一一)限 一作岸。

(一二)陟 登也。

(二三) 陵遲 同「陵夷」言其類替如丘陵之逶遲卑下也。

王言解第三

孔子閑居，曾參侍。孔子曰：「參乎！今之君子，唯士與大夫言聞也，至於君子之言者，希也；於乎，吾以王言之，其出不戶牖，而化天下。」曾子起，下席而對曰：「敢問何謂王者言？」孔子不應。曾子曰：「侍夫子之間也難，是以敢問。」孔子又不應。曾子肅然而懼，搯衣而退，負席而立。有頃，孔子歎息，顧謂曾子曰：「參！女可語明王之道。」

曾子曰：「非敢以爲足，請因所聞而學焉。」子曰：「居吾語女。夫道者，所以明德也；德者，所以尊道也；是以非德道不尊，非道德不明。雖有國之良馬，不以其道服棗之，不可以取道里，雖有博地衆民，不以其道治之，不可以致

故曰內修七教而上不勞，外行三至而財不費。此之謂明王之道也。曾子曰：「不勞不費之謂明王，可得聞乎？」孔子曰：「昔者帝舜，左禹而右皋陶，不下席而天下治，夫如此何上之勞乎？政之不中，君之患也；令之不行，臣之罪也。若乃十一而稅，用民之力，歲不過三日，入山澤以其時而無征，關譏市鄙皆不收賦，此則生財之路，而明王節之，何財之費乎？」曾子曰：「敢問何謂七教？」孔子曰：「上敬老則下益孝，上尊齒則下益弟，上樂施則下益寬，上親賢則下擇友，上好德則下不隱，上惡貪則下恥爭，上廉讓則下恥節，此之謂七教。七教者，治民之本也，政教定則本正矣。凡上者，民之表也，表正則何物不正，是故人君先立仁於己，然後大夫忠而士信，民敦俗樸，男慤而女貞。六者教之致也，布諸天下四方而不窳，納諸尋常之室而不塞，等之以禮，

立之以義，行之以順，則民之奔惡如湯之灌雪焉。曾子曰：「道則至矣，弟子不足以明之。」孔子曰：「參，以爲姑止乎？又有焉。昔者明王之治民也，法必裂地以封之，分屬以理之，然後賢民無所隱，暴民無所伏，使有司日省而時考之，進用賢良，退貶不肖，則賢者說而不肖者懼，哀鰥寡，養孤獨，恤貧窮，誘孝弟，選才能，此七者修，則四海之內無刑民矣。上之親下，如手足之於腹心，下之親上，如幼子之於慈母矣。上下相親如此，故令則從，施則刑，民懷其德，近者說服，遠者來附，政之致也。夫布指知寸，布手知尺，舒肘知尋，斯不遠之則也。周制三百步爲里，千步而井，三井而埒，埒三而矩，五十里而都，封百里而有國，乃爲穡積資聚焉。恤行者有無，是以蠻夷諸夏，雖衣冠不同，言語不合，莫不來賓，故曰無市而民不乏，無刑而民不亂，田獵單弋，非以盈宮室，

可守，其言可復，其跡可履，如飢而食，如渴而飲，民之信之，如寒暑之必驗，故視遠若邇，非道邇也，見明德也，是故兵革不動而威，用利不施而親，此之謂明王之守，折衝千里之外者也。曾子曰：「敢問何謂三至？」孔子曰：「至禮不讓而天下治，至賞不費而天下士說，至樂無聲而天下民和，明王篤行三至，故天下之君可得而知，天下之士可得而臣，天下之民可得而用。」曾子曰：「敢問此義何謂？」孔子曰：「古者明王必盡知天下良士之名，既知其名，又知其實，又知其數，及其所在焉，然後因天下之爵以尊之，此之謂至禮不讓而天下治，因天下之祿以富天下之士，此之謂至賞不費而天下之士說。如此則天下之名譽興焉，此之謂至樂無聲而天下之民和。故曰：所謂天下之仁者，能合天下之至親也；所謂天下之明者，能舉天下之至賢者也；此三者咸通，然後可以征。是故仁者莫大乎愛人，智者莫大乎知賢，賢政者

莫大乎官能，有土之君，修此三者，則四海之內，共命而已矣。夫明王之征，必道之所廢者也，是故誅其君而改其政，弔其民而不奪其財，故明王之政，猶時雨之降，降至則民說矣；是故行施彌博，得親彌衆，此之謂還師衽席之上。

【要旨】 言明王之道，在內修七教，外行三至。

【注釋】 (一) 曾參 字子與，春秋武城人，孔子弟子。

(二) 侍夫子之間也難 言得夫子之閑居，甚難也。

(三) 振 音區。振衣，提衣使起以示敬也。

(四) 負 倚也。

(五) 取 趣也。

(六) 折衝 拒敵也。

(七) 衽席 寢處之所。

(八) 卑陶 字處空，舜命作士，明五刑，弼五教。

(九) 關讎 界門曰關，讎，詰問也。

(一〇) 市鄆 同「市廛」。

(一一) 齒 年高者曰齒。

(一二) 慤 音權，誠實也。

(一三) 窵 音掉，薄也。

(一四) 等 齊之也，無參差錯雜之謂。

(一五) 致 極也。

(一六) 尋 度名，八尺曰尋。

(一七) 埒 音劣，堤也。

(一八) 矩 方里名。

(一九) 封 疆界也。

孔子家語讀本 卷上

(二〇) 單弋 魚籠曰單，激射曰弋。

(二一) 慘怛 悲慘也。

(二二) 知其數 如列侯郡守二千石，各擇其吏民之賢者，歲舉二人。又如郡國口二萬以上，歲舉二人，口自二萬以至百萬，所舉自一人以至五人，此謂知其數也。

(二三) 所在 列侯郡守，各以其卿也。

(二四) 共命 四海共受其命也。

(二五) 時雨 應時之雨。

(二六) 彌 益也。

大昏解第四

孔子侍坐於哀公。公曰：「敢問人道孰爲大？」孔子愀然作色而對曰：「君之及此言也，百姓之惠也，固臣敢無辭而對。人道政爲大夫政者正也，

公曰：「敢問爲政如之何？」

孔子對曰：「夫婦別，男女親，君臣信，三者正，則庶物從之。」公曰：「寡人雖無能也，願如所以行，三者之道，可得聞乎？」孔子對曰：「古之爲政，愛人爲大，所以治愛人；禮爲大，所以治禮；敬爲大，敬之至矣，大昏爲大，大昏至矣。大昏既至，冕而親迎，親迎者，敬之也。是故君子興敬爲親，捨敬則是遺親也；弗親弗敬，弗尊也，愛與敬，其政之本與。」公曰：「寡人願有言也，然冕而親迎，不已重乎？」孔子愀然作色而對曰：「合二姓之好，以繼先聖之後，以爲天下宗廟社稷之主，君何謂已重乎？」公曰：「寡人實固，不固安得聞此言乎？寡人欲問不能爲辭，請少進！」

孔子曰：「天地不合，萬物不生，大昏，萬世之嗣也，君何謂已重焉？」孔子遂言曰：「內以治宗廟之禮，足以配天地之神；出以治直言之禮，足以立上

下之敬。物恥則足以振之，國恥則足以興之，故爲政先乎禮，禮其政之本與！

孔子遂言曰：「三代明王，必敬妻子也，蓋有道焉。妻也者，親之主也；子也者，親之後也，敢不敬與？是故君子無不敬，敬也者，敬身爲大，身也者，親之支也，敢不敬與？不敬其身，是傷其親，是傷其本也；傷其本則支從之而亡。三者百姓之象也，身以及身，子以及子，妃以及妃，君能修此三者，則大化懷乎天下矣，昔者大王之道也。如此，國家順矣。」公曰：「敢問何謂敬身？」孔子對曰：「君子過言則民作辭，過行則民作則言，不過辭，動不過則，百姓恭敬以從命，若是則可謂能敬其身，敬其身，則能成其親矣。」公曰：「何爲成其親？」孔子對曰：「君子者，人之成名也，百姓與名，謂之君子，則是成其親爲君，而爲其子也。」孔子遂言曰：「爲政而不能愛人，則不能成其身，不能成其身，則不能安其土，不能安其土，則不能樂天，不能樂天，則不成其身。」公曰：

「敢問何謂能成身？」孔子對曰：「夫其行己不過乎物，謂之成身，不過乎物，合天道也。」公曰：「君子何貴乎天道也？」孔子曰：「貴其不己也；如日月東西相從而不已也，是天道也；不閉而能久，是天道也；無爲而物成，是天道也；已成而明之，是天道也。」公曰：「寡人且愚冥，幸煩子志之心也。」孔子蹙然避席而對曰：「仁人不過乎物，孝子不過乎親，是故仁人之事親也如事天，事天如事親，此謂孝子成身。」公曰：「寡人既聞如此言也，無如後罪何？」孔子對曰：「君之及此言，是臣之福也。」

【要旨】言人道之本，婚姻之重大，由此可知。

【注釋】（一）哀公 定公子，名蕘，在位二十七年，諡哀。

（二）人道 爲人之道。

（三）固臣 固，鄙陋也。固臣，猶言鄙陋之臣。

(四)庶物 萬事萬物也。

(五)順如所以行 言順如子所言之道以行也。

(六)治 作「爲」字解。

(七)敬之至矣大昏爲大 言至敬之事，莫重於大昏也。

(八)冕 古時自天子諸侯以迄下大夫所用之禮冠。

(九)興敬爲親 言相敬則親也。

(一〇)實固 固作鄙陋解，言實鄙陋也。

(一一)不能爲辭 不得其辭，言尚有所不明也。

(一二)直言 猶朝廷也。

(一三)物恥 事物之恥。

(一四)身也者親之支也 身體是親之遺傳，若枝葉之與根本也。

(一五)象 法則也。

(一六) 臨 喜乙切，作「及」字解。

(一七) 大王 大王，即古公亶父，周文王之祖，孟子謂能好色與民共之者。

(一八) 過行則民作則 言行雖過，而民猶仿其行動，以作則也。

(一九) 則是成其親爲君而爲其子也 是成其親以君子之名，而自成爲君子之子也。

(二〇) 樂天 樂天安命也。

(二一) 不成其身 言不能守其身，而遭禍害也。

(二二) 行已不過乎物 物，事也。言所行皆合中道，無過與不及之事。

(二三) 天道 天地自然之道。

(二四) 不已 自強不息，而無止境者也。

(二五) 愚冥 幽暗曰冥；愚冥，愚昧也。

(二六) 幸煩子志之心 謂幸煩子告我以心中所欲行之事也。

(二七) 鶩 與「鷓」同，不安貌。

(二八)無如後罪何 言其如不能塞過，何也？

儒行解第五

孔子在衛，冉求言於季孫曰：「國有聖人而不能用，欲以求治，是猶却步而欲求及前人，不可得已。今孔子在衛，將用之，已有才而以資鄰國，難以言智也。請以重幣延之。」季孫以告哀公，公從之。孔子既至，舍哀公館焉。公曰：「降階，孔子賓階，升堂立侍。」公曰：「夫子之服，其儒服與？」孔子對曰：「丘少居魯，衣逢掖之衣，長居宋，冠章甫之冠。丘聞之，君子之學也博，其服以鄉。丘未知其爲儒服也。」公曰：「敢問儒行？」孔子曰：「略言之，則不能終其物，悉數之，則留更僕，未可以對。」哀公命席，孔子侍坐，曰：「儒有席上之珍，以待聘，夙夜強學以待問，懷忠信以待舉，力行以待取，其自立有如此者。儒有衣冠中動作慎，大讓如慢，小讓如僞，大則如威，小則如媿，難進而易退也。粥

粥若無能也，其容貌有如此者。儒有居處齊難，其坐起恭敬，言必誠信，行必中正，道塗不爭險易之利，冬夏不爭陰陽之和，愛其死以有待也，養其身以有爲也，其備預有如此者。儒有不寶金玉，而忠信以爲寶，不祈土地，而仁義以爲土地，不求多積，而多文以爲富，難得而易祿也，易祿而難畜也，非時不見，不亦難得乎？非義不合，不亦難畜乎？先勞而後祿，不亦易祿乎？其近人情，有如此者。儒有委之以貨財而不貪，淹之以樂好而不淫，劫之以衆而不懼，阻之以兵而不攝，見利不虧其義，見死不更其守，鷙蟲攫搏不程其勇，引重鼎不程其力，往者不悔，來者不豫，過言不再，流言不極，不斷其威，不習其謀，其特立有如此者。儒有可親而不可劫，可近而不可迫，可殺而不可辱，其居處不過，其飲食不溽，其過失可微辯而不可面數也，其剛毅有如此者。儒有忠信以爲甲冑，禮義爲干櫓，戴仁而行，抱義而處，雖有暴政，不更其所，其自

立有如此者。儒有一畝之宮，環堵之室，蓬門圭窬，蓬戶甕牖，易衣而出，并日而食。上蒼之不敢以疑，上不蒼不敢以詔，其仕有如此者。儒有今人以居，古人以薺，今世行之，後世以爲楷，若不逢世，上所不援，下所不推，詭詔之民，有比黨而危之者，身可危也。其志不可奪也，雖危起居，猶竟信其志，乃不忘百姓之病也。其憂思有如此者。儒有博學而不窮，篤行而不倦，幽居而不淫，上通而不困，禮必以利，優游以法，慕賢而容衆，毀方而瓦合，其寬裕有如此者。儒有內稱不辟親，外舉不辟怨，程功積事，不求厚祿，推賢達能，不望其報，君得其志，民賴其德，苟利國家，不求富貴。其舉賢援能有如此者。儒有澡身浴德，陳言而伏言而正之，上不知也，默而翹之，又不爲急也，不臨深而爲高，不加少而爲多，世治不輕，世亂不沮，同己不與，異己不非，其特立獨行有如此者。儒有上不臣天子，下不事諸侯，慎靜尙寬，砥礪廉隅，強毅以與人，博學以

知服近文章，雖以分國，視如鑄錙，弗肯臣仕，其規爲有如此者。儒有合志同方，營道同術，竝立則樂，相下不厭，久別則聞，流言不信，義同而進，不同而退，其交有如此者。夫溫良者，仁之本也；慎敬者，仁之地也；寬裕者，仁之作也；遜接者，仁之能也；禮節者，仁之貌也；言談者，仁之文也；歌樂者，仁之和也；分散者，仁之施也；儒皆兼而有之，猶且不敢言仁也，其尊讓有如此者。儒有不限穫於貧賤，不充訕於富貴，不瀾君王，不累長上，不閱有司，故曰儒。今人之名儒也，妄常以儒相詬疾。哀公既聞此言也，言加信，行加敬，曰：「終歿吾世，弗敢復以儒爲戲矣。」

【要旨】孔子詳言儒行之種種，哀公從此言信行敬，弗敢復以儒爲戲。

【注釋】（一）階階 東階也。古者賓主相見，賓自西階，主自東階。

（二）賓階 西階也。賓自西階，故稱賓階。

(三)逢掖之衣 掖同腋，衣掖下寬大也。逢掖之衣，爲古儒者之服。

(四)章甫之冠 古時冠名，緇布爲之，禮冠也。

(五)鄉 隨其鄉俗也。

(六)物 事也。

(七)留更僕 留，久也。僕，大僕君，燕朝則正位，掌摯相，更爲之久，將備使之相代者。

(八)席上之珍 席，藉也。言藉先王之道也。

(九)中動作慎 動中節而作事慎也。

(一〇)大讓如慢 小讓如僞 言大讓所以自抗，故如慢而不敬，小讓所以致曲，故如僞而不誠。

(一一)粥粥 柔弱貌。

(一二)居處齊難 齊難，慎重之意。言居處慎重也。

(一三)委 與之也。

(一四) 淹 漬也，言使沉溺于其中也。

(一五) 媮 髡服也。

(一六) 鷩 猛鳥之一種。

(一七) 程 限量也。

(一八) 流言不極 流言相毀，知足以止之，詎可窮乎？

(一九) 涿 濃厚也。

(二〇) 下楯 下，楯也。楯，大戟也。

(二一) 堵 方丈曰堵，環堵之室，言其小也。

(二二) 篳門圭窬 編荆竹爲門曰篳門，穿牆爲窬如圭曰圭窬。

(二三) 蓬戶甕牖 以編蓬爲戶，破甕如牖也。

(二四) 并日而食 并一日之糧，以爲一食。

(二五) 谷 合也。

(二六) 奮 同「稽」。

(二七) 毀方而瓦合 陶瓦者毀其圓則方，合其方復圓，和而有辨也。

(二八) 陳言而伏 入告其君，不揚於外，此之謂陳言而伏。

(二九) 默而翹之 以清靜事君，因事而正之，則君不知，默而發之，所以爲不爲也。

(三〇) 沮 止也。

(三一) 砥礪廉隅 砥礪其行，而能以廉自隅也。

(三二) 知服 知力行也。

(三三) 近文章 言雖近文而不勝質也。

(三四) 錙銖 十銖爲銖，八兩爲錙，言其輕也。

(三五) 相下不厭 位相讓不求勝也。

(三六) 隕穫 困迫失志貌。

(三七) 充絀 驕吝失節貌。

(三八) 瀾 辱也。

(三九) 閔 傷也。

(四〇) 詬疾 毀惡也。

問禮第六

哀公問於孔子曰：「大禮何如？子之言禮，何其尊？」孔子對曰：「丘也鄙人，不足以知大禮。」公曰：「吾子言焉。」孔子曰：「丘聞之，民之所以生者，禮爲大。非禮則無以節事天地之神，非禮則無以辯君臣上下長幼之位焉，非禮則無以別男女父子兄弟婚姻親族疏數之交焉，是故君子以此爲之尊敬，然後以其所能教順百姓，不廢其會節。既有成事，然後治其雕鏤，文章黼黻，以別尊卑上下之等，其順之也。而後言其喪祭之紀，宗廟之序，品其犧牲，設其豕腊，脩其歲時，以敬祭祀，別其親疏，序其昭穆，而後宗族會宴，卽安

其居，以綴本恩義，畢其宮室，節其服御，車不雕璣，器不彫鏤，食不二味，心不淫志，以與萬民同利，古之明王行禮也如此。」公曰：「今之君子，胡莫之行也？」孔子對曰：「今之君子，好利無厭，淫行不倦，荒怠慢游，固民是盡，以遂其心，以怨其政，以忤其衆，以伐有道，求得當欲，不以其所慮殺刑誅，不以其治夫昔之用民者由前，今之用民者由後，是即今之君子，莫能爲禮也。」

【要旨】言禮之應尊。

【注釋】

(一) 哀公 魯哀公也。見上。

(二) 節事 以儀節祭事也。

(三) 疏數 數，類數也。疏之反。

(四) 會節 會，謂理之所聚，而不可遺處；節，謂分之所限，而不可過處。

(五) 雕鏤 祭器也。

(六) 文章黼黻 祭服也。

(七)腊 乾肉曰腊。

(八)昭穆 古宗廟之制，太祖之廟居中，二世四世六世居左，謂之昭，三世五世七世居右，謂之穆。

(九)綴 連綴也。

(一〇)璣 音機，珠也。

(十一)固 固獲之固，力取也。

言偃問曰：「夫子之極言禮也，可得而聞乎？」孔子言我欲觀夏道，是故之杞，而不足徵，吾得夏時焉。我欲觀殷道，是故之宋，而不足徵也，吾得坤焉。乾坤之義，夏時之等，吾以此觀之。夫禮初也，始於飲食，太古之時，燔黍擘豚，汙罇而抔飲，賁桴而土鼓，猶可以致敬於鬼神，及其死也，升屋而號，曰：「高某復，然後飲腥。」苴熟，形體則降，魂氣則上，是爲天望而地藏也，故生者南嚮，

死者北首，皆從其初也。昔之王者，未有宮室，冬則居營窟，夏則居橧巢，未有火化，食草木之實，鳥獸之肉，飲其血，茹其毛，未有絲麻衣，其羽皮。後聖有作，然後脩火之利，範金合土，以爲臺榭宮室戶牖，以炮以燔，以烹以炙，以爲醴酪，治其絲麻以爲布帛，以養生送死，以事鬼神，故玄酒在室，醴醕在戶，粢醢在堂，澄酒在下，陳其犧牲，備其鼎俎，列其琴瑟管磬鐘鼓，以其祝嘏，以降其上神，與其先祖，以正君臣，以篤父子，以睦兄弟，以齊上下，夫婦有所，是謂承天之祜。作其祝號，玄酒以祭，薦其血毛，腥其俎，熟其穀，越席以坐，疏布以單衣，其浣帛，醴醕以獻，薦其燔炙，君與夫人交獻，以嘉魂魄，是謂合莫。然後退而合烹，體其犬豕牛羊，實其簠簋豆俎，饗以孝告，嘏以慈告，是爲大祥，此禮之大成也。

【要旨】 言禮之始以至大成。

【注釋】

(一)言偃 字子游，以吳人仕魯，爲武城宰，孔子弟子。

(二)夏 朝代名，禹治水有功，受舜禪，國號夏，亦稱夏后氏。

(三)杞 地名，今屬河南開封道，周封夏後於杞，後爲楚所滅。

(四)夏時 於十二月之正，正夏數得天心之中，或云卽夏小正之屬，小正夏之書名。

(五)殷 朝代名，商王盤庚遷都殷墟，改號曰殷。

(六)宋 殷後所封之地，在今河南商邱縣。

(七)乾坤 卽易也，爲天地陰陽之書。商易曰：歸藏歸藏，首坤次乾，故曰乾坤。

(八)等 等例也。

(九)糝黍擘豚 黍，米也，豚，肉也。古未有釜，以米肉加於燒石之上，熟而食之。

(一〇)汗鑪而抔飲黃桴而土鼓 抔，音培，黃，音匯。言鑿地爲鑪，掬水而飲。搏土爲桴，以

擊土鼓。土鼓，樂器，以瓦爲匡，以革爲兩面可擊也。

(一一)高 作「畢」，引聲之言。

孔子家語讀本 卷上

(一二)飲腥直熟，死始含以珠貝，將葬苞直以遺，奠而送之。

(一三)天望而地藏，氣上，故望天而招；體降，故穴地而藏。

(一四)營窟，掘地而居，謂之營窟。

(一五)範金合土，用刑冶金爲器曰範金，和合泥土爲陶器曰合土。

(一六)以炮以燔以烹以炙，毛炙曰炮，燔火曰燔，沈而煮之釜曰烹，貫而置之火曰炙。

(一七)醴醕，醴，醴酒也；醕，醕漿也。

(一八)玄酒醴醕醢醢醢醢酒，禮辨酒之五齊，一曰泛齊，二曰醴齊，三曰盎齊，四曰醍齊，

五曰沈齊。玄酒卽泛齊，醢卽盎齊，醢卽沈齊。

(一九)祝號，按禮祝號有六神，鬼，祇，牲，璧，幣是也。

(二〇)越，同「越」，越席，結草爲席也。

(二一)單，當作幕，覆酒布也。

(二二)洗帛，漚桑以爲祭服也。

(二三)嘉 藩樂也。

(二四)合莫 契合於冥漠之中也。

(二五)體 解牲體也。

(二六)重簋豆銅莖 重簋瓦器，以盛黍稷，簋竹器，豆木器，以盛果核俎醢。銅銅器如

鼎和葵之器也。

(二七)嘏以慈告 以傳先祖語於孝子也。

(二八)大祥 大善也。

五儀解第七

哀公問於孔子曰：「寡人欲論魯國之士，與之爲治，敢問如何取之？」孔子對曰：「生今之世，志古之道，居今之俗，服古之服，舍此而爲非者，不亦鮮乎？」曰：「然則章甫綯履紳帶摺笏者，賢人也。」

孔子曰：「不必然也，丘之所言，非此之謂也。夫端衣玄裳，冕而乘軒者，則

志不在於食，烹，斬，衰，菅，菲，杖，而歡，粥者，則志不在酒肉；生今之世，志古之道，居今之俗，服古之服，謂此類也。」公曰：「善哉！盡此而已乎？」孔子曰：「人有五儀：有庸人，有士人，有君子，有賢人，有聖人，審此五者，則治道畢矣。」公曰：「敢問何如斯謂之庸人？」孔子曰：「所謂庸人者，心不存慎終之規，口不吐訓格之言，不擇賢以托其身，不力行以自定，見小闇大，不知所務，從物如流，不知其所執，此則庸人也。」公曰：「何謂士人？」孔子曰：「所謂士人者，心有所定，計有所守，雖不能盡道術之本，必有率也，雖不能備百善之美，必有處也，是故知不務多，必審其所知，言不務多，必審其所謂，行不務多，必審其所由，知既知之，言既道之，行既由之，則若性命之形骸之不可易也，富貴不足以益，貧賤不足以損，此則士人也。」公曰：「何謂君子？」孔子曰：「所謂君子者，言必忠信而心不怨，仁義在身而色無伐，思慮通明而辭不專，篤

行信道，自強不息，油然若將可越，而終不可及者，君子也。」公曰：「何謂賢人？」孔子曰：「所謂賢人者，德不踰閑，行中規繩，言足以法於天下，而不傷於身，道足以化於百姓，而不傷於本，富則天下無宛財，施則天下不病貧，此賢者也。」公曰：「何謂聖人？」孔子曰：「所謂聖者，德合於天地，變通無方，窮萬事之終始，協庶品之自然，敷其大道，而遂成情性，明竝日月，化行若神，下民不知其德，視者不識其鄰，此謂聖人也。」公曰：「善哉！非子之賢，則寡人不得聞此言也。雖然，寡人生於深宮之內，長於婦人之手，未嘗知哀，未嘗知憂，未嘗知勞，未嘗知懼，未嘗知危，恐不足以行五儀之教，若何？」孔子對曰：「如君之言，已知之矣，則丘亦無所聞焉。」公曰：「非吾子寡人無以啓其心，吾子言也。」孔子曰：「君人廟如右，登自阼階，仰視榑桷，俯察機筵，其器皆存，而不覩其人君，以此思哀，則哀可知矣。昧爽夙興，正其衣冠，平旦視

朝，慮其危難，一物失理，亂亡之端，君以此思憂，則憂可知矣。日出聽政，至於中冥，諸侯子孫，往來爲賓，行禮揖讓，慎其威儀，君以此思勞，則勞亦可知矣。緬然長思出於四門，周章遠視，覩亡國之墟，必將有數焉，君以此思懼，則懼可知矣。夫君者舟也，庶人者水也，水所以載舟，亦所以覆舟，君以此思危，則危可知矣。君既明此五者，又少留意於五儀之事，則於政治何有失矣。」

【要旨】 言人之五儀，

【注釋】 (一) 章甫，冠名。紉履，頭飾。紳帶，大帶也。指，插也。笏，所執以書思對

命者。

(二) 端衣玄裳， 齊服也。

(三) 熬， 音薰， 辛菜也。

(四) 斬衰菅菲， 斬衰， 喪服之最重者， 以至粗麻布爲之， 不縫下邊者。 菅菲， 喪草履名。

(五) 歡粥， 歡音瓊， 飲。 歡粥， 飲粥也。

(六)儀 法象也。

(七)訓格 格法之言。

(八)闇 不明也。

(九)率 猶行也。

(一〇)處 猶守也。

(一一)心不怨 怨，咎也。心不怨，心無咎也。

(一二)色無伐 言無伐善之色也。

(一三)辭不專 不尙言也。

(一四)油然 不進貌。

(一五)闌 闌也。

(一六)本 亦作「身」解。

(一七)宛財 宛，私積也。宛財者，私積之財。

孔子家語讀本 卷上

(二八) 庶品 指萬物言。

(一九) 情性 指萬物之情性。

(二〇) 鄰 喻界畔也。

(二一) 昨階 右階也。

(二二) 榱桷 榱，屋椽也，自高而下，層次排列，如有等衰。桷，椽之方者。

(二三) 機筵 機，同几。筵，竹席也。

(二四) 昧爽夙興 天始明即早起也。

(二五) 中冥 日中曰中，昧中曰冥。

(二六) 緬然 綢繆反覆貌。

(二七) 周章 征營貌。

(二八) 墟 音廬，古城也。

哀公問於孔子曰：「請問取人之法？」孔子對曰：「事任於官，無取捷捷，

無取鉗鉗，無取啍啍，捷捷貪也，鉗鉗亂也，啍啍誕也，故弓調而後求勁焉，馬服而後求良焉，士必慤而後求智能者焉，不慤而多能，譬之豺狼，不可邇。

【要旨】言取人之法。

【注釋】（一）捷捷 敏疾也。

（二）鉗鉗 奇疾切，妄行不誠也。

（三）啍啍 音享，多言曰啍啍。

（四）誕 欺詐也。

（五）勁 力之猛者。

（六）慤 音權，謹誠也，本作「慤」。

（七）邇 近也。

哀公問於孔子曰：「寡人欲吾國小而能守，大則攻，其道如何？」孔子對曰：「使君朝廷有禮，上下和親，天下百姓皆君之民，將誰攻之？苟違此道，民

畔如歸，皆君之讎也，將與誰也？其守？」公曰：「善哉！」於是廢山澤之禁，弛關市之稅，以惠百姓。

【要旨】言治國小守大攻之道。

【注釋】（一）畔 同「叛」。

（二）山澤之禁 山獵澤漁之禁也。

（三）關市之稅 關市之徵稅也。

哀公問於孔子曰：「吾聞君子不博，有之乎？」孔子曰：「有之。」公曰：「何爲？」對曰：「爲其有二槩。」公曰：「有二槩則何爲不博？」子曰：「爲其兼行惡道也。」哀公懼焉，有間，復問曰：「若是乎？君子之惡惡道至甚也？」孔子曰：「君子之惡惡道不甚，則好善道亦不甚；好善道不甚，則百姓之親上亦不甚。」詩云：「未見君子，憂心懔懔，亦既見止，亦既覯止，我心則說。」詩之好

善道甚也如此。」公曰：「美哉！君子成人之善，不成人之惡，微吾子言焉，吾弗之聞也。」

【要旨】君子當好善道而惡惡道。

【注釋】（一）博 廣通也，博有三十六道。

（二）二藥 一曰物，二曰藥。

（三）懷 音緝，憂也。

（四）覲 遇見也。

（五）說 同「悅」。

（六）微 無也。

哀公問於孔子曰：「夫國家之存亡禍福，信有天命，非唯人也。」孔子對曰：「存亡禍福，皆己而已，天災地妖，不能加也。」公曰：「善！吾子言之，豈有其事乎？」孔子曰：「昔者殷王帝辛之世，有雀生大鳥於城隅焉，占之曰：凡

以小生大，則國家必王而名益昌。於是帝辛介雀之德，不脩國政，亢暴無極，朝臣莫救，外寇乃至，殷國以亡。此卽以己逆天時，詭福反爲禍者也。又其先世殷王太戊之時，道缺法圯，以致妖孽桑穀于朝，七日大拱，占之者曰：桑穀野木而不合生朝，意者國亡乎？大戊恐駭，側身脩行，思先王之政，明養民之道，三年之後，遠方慕義，重譯至者，十有六國。此卽以己逆天時，得禍爲福者。故天災地妖，所以儆人主者也；寤夢徵怪，所以儆人臣者也；災妖不勝善政，寤夢不勝善行，能知此者，至治之極，唯明王達此。公曰：「寡人不鄙，固此亦不得聞君子之教也。」

【要旨】 言國家之存亡禍福，皆由於己。

【注釋】 (一) 殷王帝辛 殷，朝代名。帝辛，盤庚之後。

(二) 介 助也。介雀之德，卽以雀之德爲助也。

(三)亢暴 剛強而暴虐也。

(四)逆 同「逆」。

(五)殷王太戊 太甲孫 伊陟爲相，修德興殷，在位七十五年崩。

(六)妖藥桑殺于朝 妖藥桑殺共生于朝也。

(七)拱 兩手合圍曰拱。

(八)傲 倣也。

(九)鄙固 實固之意，卽實鄙陋也。

哀公問於孔子曰：「智者壽乎？仁者壽乎？」孔子對曰：「然，人有三死，而非其命也，己自取也。夫寢處不時，飲食不節，逸勞過度者，疾共殺之。居下位而上干其君，嗜慾無厭，而求不止者，刑共殺之。以少犯衆，以弱侮強，忿怒不類，動不量力，兵共殺之。此三者死非命也，人自取之。若夫智士仁人，將身有節，動靜以義，喜怒以時，無害其性，雖得壽焉，不亦宜乎？」

【要旨】 言人有三死，皆已自取，惟智士仁人，乃得壽焉。

【注釋】 (一)干 犯也。

(二)不類 非時也。

(三)將 行也。

觀思第八

孔子北遊於農山，子路子貢顏淵侍側。孔子四望喟然而歎曰：「於思致斯，無所不至矣。」二子各言爾志，吾將擇焉。子路進曰：「由願得白羽若月，赤羽若日，鐘鼓之音，上震於天，旂旗纒紛，下蟠於地，由當一隊而敵之，必也攘地千里，塞旗執鉞，唯由能之，使二子者從我焉。」夫子曰：「勇哉！」子貢復進曰：「賜願使齊楚合戰於澠，澠之野，兩壘相望，塵埃相接，挺刃交兵，賜著縞衣白冠，陳說其間，推論利害，釋國之患，唯賜能之，使二子者從我焉。」

「夫子曰：『辯哉！』」顏回退而不對。孔子曰：『回來！汝奚獨無願乎？』」顏回對曰：『文武之事，則二子者既言之矣，回何云焉？』」孔子曰：『雖然各言爾志也，小子言之！』對曰：『回聞薰蕕不同器而藏，堯桀不共國而治，以其類異也。回願明王聖主輔相之，敷其五教，導之以禮樂，使民城郭不脩，溝池不越，鑄劍戟以爲農器，放牛馬於原藪，室家無離曠之思，千歲無戰鬪之患，則由無所施其勇，而賜無所用其辯矣。』」夫子凜然而對曰：『美哉德也！』」

子路抗手而問曰：『夫子何選焉？』孔子曰：『不傷財，不害民，不繁詞，則顏氏之子有矣。』

【要旨】 叙子路子貢顏淵三子之言志。

【注釋】 (一) 農山 魯之山名，一作景。戊。

(二) 旂旗繽紛 旂與旌同，旂旗，旌旗也。繽紛，盛多貌。

(三) 婦委也。

(四) 率旗執誠。率取曰率，蔽敵之左耳曰誠。率旗執誠，言率敵之旌旗而殺其士卒也。

(五) 齊楚。春秋時國名，齊在今山東省地，楚在今兩湖地。

(六) 澆漢。音培養，廣大貌。

(七) 薰蕕。薰，香草也。蕕，惡草也。謂善惡之殊別也。

(八) 堯桀。堯古之賢君，桀古之暴君。

(九) 原藪。他廣平曰原，澤無水曰藪。

(一〇) 離曠。言家無離散之憂而室無曠夫也。

(一一) 凜。凜，寒也。凜然，容貌嚴肅狀。

(一二) 抗手。卽舉手也。

魯有儉嗇者，瓦鬲^二煮食食之，自謂其美盛之土型，以進孔子。孔子受之而說，如受大牢之饋。子路曰：「瓦甗^一陋器也，煮食薄膳也，夫子何喜之如此乎？」

夫子曰：「夫好諫者思其君，食美者思其親，吾非以饌具之爲厚，以其食厚而我思焉。」

【要旨】述孔子所以喜瓦甗羹食之故。

【注釋】（一）瓦甗 瓦製之曲脚鼎也。高音隔。

（二）說 同「悅」。

（三）大牢之饋 大牢卽太牢，指牛羊豕言。饋，贈也。

（四）瓦甗 甗，音邊。盆之口大而底小者。瓦甗，瓦製之小盆也。

（五）饌具 食具也。

孔子之楚，而有漁者獻魚焉。孔子不受。漁者曰：「天暑市遠，無所鬻也，思慮棄之糞壤，不如獻之君子，故敢以進焉。」於是夫子再拜受之，使弟子掃地將以享祭。門人曰：「彼將棄之，而夫子以祭之，何也？」孔子曰：「吾聞諸惜其務餘而欲以務施者，仁人之偶也，惡有仁人之饋而無祭者乎？」

【要旨】述孔子所以再拜受魚掃地享祭之故。

【注釋】(一)之 作「至」字解。

(二)弃 同「棄」。

(三)惜其務餘而欲以務施 務作「餘」解，餘同「飪」。言惜有餘之食，而施諸人也。

(四)偶 匹也。

(五)饋 同餽，贈送也。

季羔爲衛之士師，三別人之足，俄而衛有蒯聵之亂，五季羔逃之，走郭門，別者守門焉，謂季羔曰：「彼有缺。」季羔曰：「君子不踰。」又曰：「彼有竇。」季羔曰：「君子不隧。」又曰：「於此有室。」季羔乃入焉。既而追者罷，羔將去，謂別者曰：「吾不能虧主之法，而親別子之足，今吾在難，此正子之報怨之時，而逃我者三，何故哉？」別者曰：「斷足固我之罪，無可奈何。曩者君治臣以法令，先人後臣，欲臣之免也，臣知之。獄決罪定，臨當論刑，君愀然不樂，見

君顏色，臣又知之，君豈私臣哉？天生君子，其道固然，此臣之所以說君也。」
孔子聞之曰：「善哉爲吏，其用法一也，思仁恕則樹德，加嚴暴則樹怨，公以行之，其子羔乎？」

【要旨】美子羔之善於爲吏。

【注釋】（一）季羔 卽子羔，姓高名柴，孔子弟子。

（二）衛 國名，在今直隸河南等地。

（三）士師 司刑獄之官。

（四）刑 音月，斷足也，古時肉刑之一種。

（五）蒯聵之亂 衛靈公太子蒯聵得罪，出奔晉，靈公卒，立其子輒。蒯聵自晉襲衛，是謂

蒯聵之亂。

（六）歎 同闕，言城邊有闕也。

（七）隄 音途，地下之道。

孔子家語讀本 卷上

(八)說 一作「脫」

(九)樹 立也。

孔子曰：「季孫之賜我粟千鍾，而交益親；自南宮敬叔之乘我車也，而道加行；故道雖貴，必有時而後重，有勢而後行。微夫二子之貺財，則丘之道，殆將廢矣。」

【要旨】 此孔子美季孫之賜粟，南宮敬叔之乘車，以證道必有時而後重，有勢而後行。

【注釋】 (一)季孫 卽季平子，名意如，魯之大夫。

(二)鍾 古量名，受六斛四斗。

(三)南宮敬叔 晉人，孟僖子之子。孔子欲西見老聃，觀周之宗廟，敬叔爲言於魯君，給

孔子車馬，乃得西行。

(四)貺 音况，貺財謂以財物贈人也。

以武王周公爲子，以太顛閔天爲臣，其本美矣。武王正其身以正其國，正其國以正天下，伐無道，刑有罪，一動而天下正，其事成矣。春秋致其時，而萬物皆及；王者致其道，而萬民皆治。周公載已行化，而天下順之，其誠至矣。」

【要旨】 言王者之修德行仁，澤民愛物，近乎春之涵濡；伐罪誅奸，明刑執法，近乎秋之肅殺。

【注釋】 (一) 文王 名昌，本爲殷之諸侯，後武王統有天下，尊爲文王。

(二) 王季 周文王之父，名季歷，武王卽位後，追尊爲王季。

(三) 太任 王季之妃，姓任。

(四) 太姬 武王之母，姓姬，莘國之女。

(五) 武王周公 武王，文王子，名發，滅殷，卽帝位。周公，文王子，名旦，相武王成王，天下大治。

(六) 太顛閔天 太顛一作秦顛，二人均爲文王時賢臣。

(七) 春秋致其時 致作「得」字解，言春秋得其時，以二始舉四時也。

(八)載已行化 載已猶云律身，謂律身以正而化行於天下也。

曾子曰：「入其國也，言信於羣臣，而留可也。行忠於卿大夫，則仕可也。澤施於百姓，則富可也。」孔子曰：「參之言此，可謂善安身矣。」

【要旨】 叙孔子稱贊參言之善於安身。

【注釋】 (一)曾子 春秋武城人，名參，字子輿，孔子弟子，後世稱爲宗聖。

(二)其 一作「是」。

(三)參 曾子名。

子路爲蒲宰，爲水備與民脩溝洫，以民之勞煩苦也，人與之一簞食，一壺漿，孔子聞之，使子貢止之，子路忿然不說，往見孔子曰：「由也以暴雨將至，恐有水災，故與民脩溝洫以備之，而民多匱餓者，是以簞食壺漿而與之。夫子使賜止之，是夫子止由之行仁也。夫子以仁教而禁其行，由不受也。」孔

子曰：「汝以民爲餓也，何不白於君，發倉廩以賑之，而私以爾食饋之，是汝明君之無惠，而見己之德美，汝速已則可，不則汝之見罪必矣。」

【要旨】叙孔子戒子路勿明君之無惠，而見己之德美。

【注釋】（一）蒲 春秋時衛邑。

（二）簞食壺漿 簞，竹器。壺，瓦器。言簞中盛飯，而壺中置漿也。

（三）說 同「悅」。

（四）由 子路名。

（五）見 一作「受」。

子路問於孔子曰：「管仲之爲人如何？」子曰：「仁也。」子路曰：「昔管仲說襄公，公不受，是不辨也。欲立公子糾而不能，是不智也。家殘於齊而無憂色，是不慈也。極楛而居檻車，無慙心，是無醜也。事所射之君，是不貞也。召忽死之，管仲不死，是不忠也。」孔子曰：「管仲說襄公，襄公不受，公之闇也。」

欲立子糾而不能，不遇時也。家殘於齊而無憂色，是知權命也。桎梏而無愆心，自裁審也。事所射之君，通於變也。不死子糾，量輕重也。夫子糾未成君，而管仲未成臣，管仲才度義，管仲不死束縛而立功名，未可非也。召忽雖死，過於取仁，未足多也。」

【要旨】言管仲之爲人。

【注釋】（一）管仲 春秋齊桓公之賢相，名夷吾，相桓公成霸業，稱仲父。

（二）仁 得仁之道也。

（三）襄公 齊襄公，桓公之父。

（四）公子糾 桓公小白之兄。齊亂作，鮑叔牙奉小白奔莒，管仲召忽奉公子糾奔魯。齊亂平，魯遣兵納公子糾，而小白已自莒先入，拒魯師破之，遂逼魯殺子糾，召忽死焉。

（五）桎梏 刑具，在足曰桎，在手曰梏。

（六）檻車 車上施闌檻，以囚禁罪人者。

(七)事所射之君。魯送公子糾入齊，而使管仲別將兵遮宮道，以拒公子小白。管仲射

小白，中衣帶鉤。

(八)召忽。春秋晉大夫，死於公子糾之難。

(九)知機命。知天命也。

(一〇)白臧審。自知之明也。

(一一)才度義。才勝於義也。

(一二)多。多取也。

孔子適齊，中路聞哭者之聲，其音甚哀。孔子謂其僕曰：「此哭哀則哀矣，然非喪者之哀也。」驅而前，少進，見有異人焉，擁鎌帶索，哭音不哀。孔子下車追而問曰：「子何人也？」對曰：「吾丘吾子也。」曰：「子今非喪之所，奚哭之悲也？」丘吾子曰：「吾有三失，晚而自覺，悔之何及。」曰：「三失可得聞乎？願子告吾，無隱也。」丘吾子曰：「吾少時好學，周徧天下，後還喪吾親，

是一失也。長事齊君，君驕奢失士，臣節不遂，是二失也。吾平生厚交，而今皆離絕，是三失也。夫樹欲靜而風不停，子欲養而親不待，往而不來者年也，不可再見者親也，請從此辭。」遂投水而死。

孔子曰：「小子識之，斯足爲戒矣。」自是弟子辭歸養親者十有三。

【要旨】叙孔子以丘吾子事，感動弟子之孝思。

【注釋】（一）齊 春秋時國名，在今山東地。

（二）鏹 音廉，刈草刀也。

（三）丘吾子 古之孝親者，家世不詳。

（四）遂 達也。

孔子謂伯魚曰：「鯉乎！吾聞可以與人終日不倦者，其惟學焉；其容體不足觀也，其勇力不足憚也，其先祖不足稱也，其族姓不足道也，終而有大名，

以顯聞四方，流聲後裔者，豈非學者之效也？故君子不可以不學，其容不可以不飭。不飭無類，無類失親，失親不忠，不忠失禮，失禮不立。夫遠而有光者，飭也；近而愈明者，學也。譬之汚池，水潦注焉，萑葦生焉，雖或以觀之，孰知其源乎？」

【要旨】述孔子告伯魚爲君子不可以不學。

【注釋】（一）伯魚 名鯉，孔子之子。

（二）裔 遠代子孫也。

（三）飭 整肅也。

（四）類 貌也，言不整飭其容則無貌矣。

（五）潦 積水曰潦。

（六）萑 音桓，萑葦，水邊叢艸也。

（七）雖或以觀之，孰知其源乎 言水注於地，任使人觀之，不知其源之所自來，以喻學

問雖自外而至，及其既遠，孰能言其所自出也。

子路見於孔子曰：「負重涉遠，不擇地而休，家貧親老，不擇祿而仕，昔者由也事二親之時，常食藜藿之實，爲親負米百里之外，親歿之後，南遊於楚，從車百乘，積粟萬鍾，累茵而坐，列鼎而食，願欲食藜藿，爲親負米，不可復得也。枯魚銜索，幾何不蠹，二親之壽，忽若過隙。」孔子曰：「由也事親，可謂生事盡力，死事盡思者也。」

【要旨】言子路之事親，可謂生事盡力，死事盡思。

【注釋】（一）藜藿 草名，貧人所食者。

（二）茵 席也，累茵，重席也。

（三）鼎 烹飪之重器，列鼎，言貴人之食，羅列滿前也。

（四）枯魚銜索幾何不蠹 枯魚，死魚也，言貫索之枯魚，不腐何候，喻死者之不可復生也。

孔子之鄉，遭程子於塗，傾蓋而語終日，甚相親。顧謂子路曰：「取束帛以贈先生。」子路屑然對曰：「由聞之士，不中閒見，女嫁無媒，君子不以交禮也。」有閒，又顧謂子路，子路又對如初。孔子曰：「由詩不云乎？『有美一人，清揚婉兮，邂逅相遇，適我願兮。』今程子天下賢士也，於斯不贈，則終身弗能見也，小子行之。」

【要旨】 以程子之賢，故孔子傾蓋而語，取束帛以贈。

【注釋】 (一) 鄭 音談，國名，少昊氏之後，在今山東鄒城縣境，以鄭子達禮，故孔子往焉。

(二) 程子 名木，晉人，又號子華子。

(三) 傾蓋 停車而側其蓋也。

(四) 束帛 五匹曰束，束帛，五匹帛也。

(五) 屑然 恭敬貌。

(六) 中閒 紹介也，言士不介而相見。

(七)清揚宛兮，邂逅相遇。言視清眉揚而美好之人，今竟不期而會也。此四句見詩鄭

風野有蔓草篇。

孔子自衛反魯，息駕於河梁而觀焉。有懸水三十仞，圜流九十里，魚鼈不能道，鼃鼃不能居。有一丈夫，方將厲之。孔子使人竝涯止之，曰：「此懸水三十仞，圜流九十里，魚鼈鼃鼃不能居也，意者難可濟也。」丈夫不以措意，遂度而出。孔子問之曰：「子巧乎？有道術乎？所以能入而出者何也？」丈夫對曰：「始吾之入也，先以忠信，及吾之出也，又從以忠信，措吾軀於波流，而吾不敢以用私，所以能入而復出也。」孔子謂弟子曰：「二三子識之水，且猶可以忠信成身親之，而況於人乎？」

【要旨】 言忠信可以成身。

【注釋】 (一)梁 水邊有石屹立之處。

(二)仞 音刃，高八尺曰仞。

(三) 團流 水勢急激，回旋如團狀而流也。

(四) 道 行也。

(五) 厲 以衣涉水曰厲，渡之也。

(六) 鯀 猶云「懸」，鯀涯，臨岸也。

(七) 度 同「渡」。

(八) 措 置也。

孔子將行，雨而無蓋。門人曰：「商也有之。」孔子曰：「商之爲人也，甚愷於財。吾聞與人交，推其長者，違其短者，故能久也。」

【要旨】 言推長違短，交乃能久。

【注釋】 (一) 商 卽子夏也，姓卜名商，孔子弟子。

(二) 愷 與「吝」同，機審也。

子貢問於孔子曰：「死者有知乎？將無知乎？」子曰：「善欲言死之有知，

將恐孝子順孫妨生以送死。吾欲言死之無知，將恐不孝之子棄其親而不葬。賜欲知死者有知與無知，非今之急，後自知之。」

【要旨】叙孔子所以不答子貢之問。

【注釋】（一）妨 妨礙也。

（二）急 急務也。

子貢問治民於孔子。子曰：「慄慄焉，若持腐索之扞馬。」子貢曰：「何其畏也？」孔子曰：「夫通達之御，皆人也；以道導之，則吾畜也；不以道導之，則讎也。如之何其無畏也？」

【要旨】言治民之不易，若以腐索繫馬，時有奔逸之憂。

【注釋】（一）慄慄焉 危懼貌。

（二）扞馬 扞音翰，作「繫」字解，扞馬，繫馬也。

魯國之法，魯人有贖臣妾於諸侯者，皆取金於府，子貢贖人於諸侯而還其金。孔子聞之曰：「賜失之矣！夫聖人之舉事也，可以移風易俗，而教導可以施於百姓，非獨適身之行也。今魯國富者寡而貧者衆，贖人受金則爲不廉，則何以相贖乎？」自今以後，魯人不復贖人於諸侯。

【要旨】叙孔子戒子貢之失，而正魯國之法。

【注釋】（一）贖 質貨也。

（二）臣妾 猶奴婢僕隸也。

（三）適身之行 自高其行也。

子路治蒲，見於孔子曰：「由願受教於夫子。」子曰：「蒲其何如？」對曰：「邑多壯士，又難治也。」子曰：「然，吾語爾，恭而敬，可以攝勇；寬而正，可以懷強；愛而恕，可以容困；溫而斷，可以抑姦；如此而正，不難矣。」

【要旨】 叙孔子對子路言治備之道。

【注釋】 (一) 攝勇 收斂勇氣也。

(二) 懷強 使強者心服也。

(三) 容困 矜容困苦也。

(四) 正 治也。

三恕第九

孔子曰：「君子有三恕：有君不能事，有臣而求其使，非恕也。有親不能孝，有子而求其報，非恕也。有兄不能敬，有弟而求其順，非恕也。」

【要旨】 言君子之三恕。

【注釋】 (一) 恕 推己及人之謂也。

(二) 求其使 求其爲我所使也。

之思也。有而不施，窮莫之救也。故君子少思其長，則務學；老思其死，則務教。有思其窮，則務施。」

【要旨】言君子之三思。

【注釋】（一）教，謂以所能傳授於人也。

伯常騫問於孔子曰：「騫固周國之賤吏也，不自以不肖，將北面以事君，敢問正道宜行不容於世，隱道宜行然亦不忍，今欲身亦不窮，道亦不隱，爲之有道乎？」孔子曰：「善哉！子之問也。自丘之聞，未有若吾子所問辯且說也。丘嘗聞君子之言道矣，聽者無察，則道不入；奇偉不稽，則道不信。又嘗聞君子之言事矣，制無度量，則事不成；其政曉察，則民不保；又嘗聞君子之言志矣，剛折不終，徑易者則數傷，浩倨者則不親，就利者則無不敵。又嘗聞養世之君子矣，從輕勿爲先，從重勿爲後，見像而勿強，陳道而勿怫。此四者

丘之所聞也。」

【要旨】 孔子之答伯常，述君子之言「道」，言「事」，言「志」，「養世」四者。

【注釋】 (一)伯常，一作伯常，春秋時周之太史大弢。

(二)隱道，隱道而行事也。

(三)身亦不窮，言身亦不能爲世所容也。

(四)辯且說，辯當其理而得其說矣。

(五)奇偉不稽，言奇偉不羣者，則聽者往往不能考校也。

(六)剛折不終，剛則必折，而不能終其性命矣。

(七)徑，同「輕」。

(八)浩偃，簡略不恭貌。

(九)見像而勿強，像，法也；見法而已，不以強世也。

(一〇)陳道而勿怫，怫，詭也，陳道而已，不與世相詭違也。

孔子觀於魯桓公之廟，有欵器焉。夫子問於守廟者曰：「此謂何器？」對曰：「此蓋爲宥坐之器。」孔子曰：「吾聞宥坐之器，虛則欵，中則正，滿則覆，明君以爲至誠，故常置之於坐側。」顧謂弟子曰：「試注水焉！」乃注之水，中則正，滿則覆。夫子喟然歎曰：「嗚呼！夫物惡有滿而不覆哉！」子路進曰：「敢問持滿有道乎？」子曰：「聰明叡智，守之以愚；功被天下，守之以讓；勇力振世，守之以怯；富有四海，守之以謙，此所謂損之又損之道也。」

【要旨】言物滿必覆，持滿之法，在能守損之又損之道。

【注釋】（一）魯桓公，惠公嫡子，名軌，公子翬既弑，隱公遂立，公以宋之賂鼎入於太廟，君子譏之。

（二）欵，傾仄也。

（三）宥坐，器，一作右，勸戒之器。

（四）喟然，慨感聲。

(五)損之又損之。言損了又損，極言人之應謙損也。

孔子觀於東流之水。子貢問曰：「君子所見大水，必觀焉，何也？」孔子對曰：「以其不息，且徧與諸生而不爲也。夫水有似乎德，其流也則卑下，倨拘必循其理，此似義；浩浩乎無屈盡之期，此似道；流行赴百仞之嶮而不懼，此似勇；至量必平之，此似法；盛而不求概，此似正；綽約微達，此似察；發源必東，此似志；以出以入，萬物就此化，絜此似善化也；水之德有若此，是故君子見必觀焉。」

【要旨】言水之有德，故君子見水必觀。

【注釋】(一)子貢：春秋衛人，姓端木，名賜，孔子弟子。

(二)徧與諸生而不爲：諸生，謂萬物也。言水徧與萬物，物得水而後生，水不與能而又
不德也。

(三)倨拘：倨，方也。拘，曲也。

(四) 嶼 山崖也。

(五) 盛而不求概 水盈而不求自平也。「概」本爲平斛木，作「平」解。

(六) 綽約 綽，作綽；綽約，微弱也。

(七) 化絮 絮同「潔」。萬物一經水洗，卽化爲絮矣。

子貢觀於魯廟之北堂，出而問於孔子曰：「向也賜觀於太廟之堂，未既輟還，瞻北蓋皆斷焉，彼將有說邪？匠之過也。」孔子曰：「太廟之堂，官致良工之匠，匠致良材，盡其工巧，蓋貴久矣，尙有說也。」

【要旨】 言太廟北蓋皆斷，尙有說也。

【注釋】 (一) 太廟 天子之祖廟。

(二) 輟 止也。

(三) 蓋 扇戶曰蓋。

(四) 蓋貴久矣 貴，文也。蓋之有文，恐已久矣。

孔子家語讀本 卷上

(五) 尙 同「必」。

孔子曰：「吾有所恥，有所鄙，有所殆。夫幼而不能強學，老而無以教，吾恥之。去其鄉，事君而達，卒遇故人，曾無舊言，吾鄙之。與小人處，而不能親賢，吾殆之。」

【要旨】 叙孔子自言有所恥，所鄙，所殆。

【注釋】 (一) 殆 危也。

(二) 強學 自強勵學也。

(三) 故人 舊友謂之故人。

子路見於孔子。孔子曰：「智者若何？仁者若何？」子路對曰：「智者使人知己，仁者使人愛己。」子曰：「可謂士矣！」子路出，子貢入，問亦如之。子貢對曰：「智者知人，仁者愛人。」子曰：「可謂士矣！」子貢出，顏回入，問亦如

之對曰：「智者自知，仁者自愛。」子曰：「可謂士君子矣！」

【要旨】 叙孔子之稱美三弟子。

【注釋】 (一)子路 春秋卞人，姓仲，名由，孔子弟子。

(二)士 研究學問而有德行者之通稱。

(三)顏回 春秋魯人，字子淵，孔子弟子，後世尊爲復聖。

子貢問於孔子曰：「子從父命，孝乎？臣從君命，貞乎？奚疑焉？」孔子曰：「鄙哉賜！汝不識也。昔者明王萬乘之國，有爭臣七人，則主無過舉；千乘之國，有爭臣五人，則社稷不危也；百乘之家，有爭臣三人，則祿位不替；父有爭子，不陷無禮；士有爭友，不行不義。故子從父命，奚詎爲孝？臣從君命，奚詎爲貞？夫能審其所從，之謂孝之謂貞矣！」

【要旨】 子從父命，臣從君命，能審其所從，乃謂孝謂貞。

【注釋】 (一)萬乘千乘百乘 天子萬乘，諸侯千乘，大夫百乘。

(二) 爭臣七人 天子有三公四輔，主諫爭以救其過。

(三) 爭臣五人 諸侯有卿及內外股肱之臣凡五人。

(四) 爭臣三人 大夫有室老、家相、邑宰凡三人，能以義諫爭大夫者。

(五) 贊 音滌，衰也。

(六) 距 同「豈」。

(七) 之 同「此」。

子路盛服見於孔子，子曰：「由是僂僂者何也？夫江始出於岷山，其源可
以濫觴，及其至於江津，不舫舟，不避風，則不可以涉，非惟下流水多邪？今爾
衣服既盛，顏色充盈，天下且孰肯以非告汝乎？」子路趨而出，改服而入，蓋
自若也。子曰：「由志之，吾告汝奮於言者華，奮於行者伐。夫色智而有能者，
小人也。故君子知之曰知，言之要也，不能曰不能，行之至也。言要則智，行至
則仁，既仁且智，惡不足哉？」

【要旨】叙孔子戒子路之服盛氣傲。

【注釋】(一)盛服 整服也。

(二)倨倨 言其服盛而氣傲也。

(三)岷山 一作汝山，在今四川松潘縣北，傳爲長江發源地。

(四)濫觴 言其發源之始，僅記濫一觴之微也。

(五)江津 縣名，屬今四川東川道。

(六)舫舟 舫音放，兩舟並行曰舫舟。

(七)奮於言者華奮於行者伐 自矜於言者華而無實，自矜於行者自伐其功。

子路問於孔子曰：「有人於此，披褐而懷玉，何如？」子曰：「國無道，隱之可也。國有道，則袞冕而執玉。」

【要旨】言國無道則隱，有道則仕。

【注釋】(一)褐 毛布之衣，賤者服也。

(二) 袞冕 文衣盛飾也。

好生第十

魯哀公問於孔子曰：「昔者舜冠何冠乎？」孔子不對。公曰：「寡人有問於子，而子無言，何也？」對曰：「以君之問，不先其大者，故方思所以爲對。」公曰：「其大何乎？」孔子曰：「舜之爲君也，其政好生而惡殺，其任授賢而三智不肖，德若天地而靜虛，化若四時而變物，是以四海承風，暢於異類，鳳翔麟至，鳥獸馴德，無他，好生故也。君舍此道，而冠冕是問，是以緩對。」

【要旨】 叙舜之爲政，在好生惡殺，哀公舍此而問冠冕，是以孔子緩對。

【注釋】 (一) 魯哀公 定公之子，在位二十七年。

(二) 舜 虞帝之號，虞舜，古之賢君。

(三) 替 同「替」，廢也。

(四)不肖 不賢者曰不肖。

(五)化若四時而變物 言其德化，如春夏秋冬，足以變易萬物者也。

(六)承 承受也。

(七)馴 順習也。

(八)好生 仁愛不嗜殺者。

孔子讀史，至楚復陳，喟然歎曰：「賢哉楚王，輕千乘之國，而重一言之信，匪申叔之信，不能達其義，匪莊王之賢，不能受其訓。」

【要旨】 叙孔子美申叔之信，莊王之賢。

【注釋】 (一)史 記事之書曰史。

(二)楚復陳 陳夏徵舒弑其君，楚莊王討之，因縣陳而取之。申叔時諫莊王，從之，因復陳。

(三)喟 庫位切，歎聲。

(四)申叔 楚之賢臣。

(五)莊王 楚之明主，與晉爭霸，滅齊伐宋，伐陳圍鄭，觀兵周境。問鼎輕重，爲春秋五霸之一。

孔子嘗自筮其卦，得賁焉，愀然有不平之狀。子張進曰：「師聞卜者得賁卦吉也，而夫子之色有不平，何也？」孔子對曰：「以其離邪，在周易山下有火，謂之賁，非正色之卦也。夫質也黑白宜正焉，今得賁，非吾兆也。吾聞丹漆不文，白玉不珞，何也？質有餘不受飾故也。」

【要旨】言孔子得賁卦所以愀然不平，以非正色之卦。

【注釋】(一)筮 音誓，占卜休咎也。

(二)賁 卦名，離下艮上爲賁。山下有火，光明貌。

(三)愀然 容色頓變貌。

(四)子張 春秋陳人，姓顛孫，名師，字子張，孔子弟子。

(五) 離 明也。

(六) 周易 書名，文王周公孔子所作，因伏羲所畫八卦，重之爲六十四卦，三百八十四爻。

(七) 兆 占驗吉凶謂之兆。

(八) 丹漆不文，白玉不珞 言丹漆不加文飾，白玉不受彫刻也。

孔子曰：「吾於甘棠，見宗廟之敬也甚矣！思其人，必愛其樹；尊其人，必敬其位道也。」

【要旨】 言宗廟之敬之甚。

【注釋】 (一) 甘棠 邵伯聽獄於棠樹之下，人民因作甘棠之詩以美之。

(二) 思其人必愛其樹 言思邵伯而必愛此甘棠也。

子路戎服見於孔子，拔劍而舞之，曰：「古之君子，固以劍而自衛乎？」孔子曰：「古之君子，忠以爲質，仁以爲衛，不出環堵之室，而知千里之外，有不

善則以忠化之，侵暴則以仁固之，何待劍乎？」子路曰：「由乃今聞此言，請攝齊以受教。」

【要旨】言古君子以忠爲質，以仁爲衛，何待乎劍。

【注釋】（一）子路 春秋十人，姓仲名由，孔子弟子，性好勇，剛過則喜，仕衛，死於孔悝之難。

（二）戎服 戰陣之服。

（三）環堵之室 堵長一丈，高一尺，而環一堵爲方丈，故曰環堵之室，陋室也。

（四）暴 同「暴」。

（五）由 子路名。

（六）攝齊以受教 裳不緝曰齊，晉晉受教者當攝齊升堂，故曰攝齊以受教。

楚恭王出遊，亡烏嗥之弓，左右請求之。王曰：「止，楚王失弓，楚人得之，又何求之。」孔子聞之，惜乎其不大也，不曰人遺弓，人得之而已，何必楚也。

【要旨】言楚弓楚得，度量之不大。

【注釋】（一）楚恭王，亦作楚共王，莊王子，名審，在位三十一年卒。

（二）烏鵲，良弓名。

（三）左右，言王左右之臣也。

孔子謂魯司寇斷獄訟，皆進衆議者而問之，曰：「子以爲奚若？」子以爲奚若？某以爲何若？」皆曰：「云云如是。」然後夫子曰：「然從某子幾是？」

【要旨】言孔子重獄事，故與衆議而後斷。

【注釋】（一）司寇，官名，古六卿之一，司刑事者。

（二）奚若，同「何若」。

（三）幾，近也。

孔子問漆雕憑曰：「子事臧文仲、武仲及孺子容，此三大夫孰賢？」對曰：「臧氏家有守龜焉，名曰蔡。文仲三年而爲一兆，武仲三年而爲二兆，孺子容三年而爲三兆，憑從此之見，若問三人之賢與不賢，所未敢識也。」孔子

曰：「君子哉漆雕氏之子，其言人之美也隱而顯，言人之過也微而著，智而不能及，明而不能見，孰克如此！」

【要旨】叙孔子之美漆雕隱，言人之美隱而顯，言人之過微而著。

【注釋】（一）漆雕隱 春秋時人，事魯三大夫者。

（二）臧文仲 魯大夫，名辰。孔子言有不仁者二，不智者三，下展禽，廢六關，妾織蒲，三不仁也；作虛器，縱逆祀，祀爰居，三不智者。

（三）武仲 魯大夫，爲文仲之異母弟，卒諡武仲。

（四）孺子容 春秋時大夫。

（五）守龜 古灼龜甲以下，故謂卜爲龜，看卜事者，謂之守龜。

（六）三年而爲一兆 三年而一占驗吉凶也。

（七）智而不能及，明而不能見 言智而不能及，明而不能見，則不能如是也。

（八）克 能也。

魯公索氏將祭而亡其牲。孔子聞之曰：「公索氏不及二年將亡。」後一年而亡。門人問曰：「昔公索氏亡其祭牲，而夫子知其將亡，何也？」曰：「夫祭者，孝子所以自盡於其親，將祭而亡其牲，則其餘所亡者多矣。若此而不亡者，未之有也。」

【要旨】言孔子所以知公索氏將亡之故。

【注釋】（一）公索氏，魯之大夫。

（二）牲，三牲，即牛羊豕也。

虞芮二國爭田而訟，連年不決，乃相謂曰：「西伯仁人也，盍往質之。」入其境，則耕者讓畔，行者讓路，入其邑，男女異路，斑白不提挈，入其朝，士讓爲大夫，大夫讓爲卿。虞芮之君曰：「嘻！吾儕小人也，不可以履君子之庭。」遂自相與而退，咸以所爭之田爲閑田矣。孔子曰：「以此觀之，文王之道，其不

可加焉；不令而從，不教而聽，至矣哉！」

【要旨】 叙西伯之仁政，足以化處芮之爭。

【注釋】 (一) 處芮 國名。處爲舜之先國，在今山西平陸縣虞城。芮在今山西芮城縣。

(二) 西伯 指周文王。文王爲西方諸侯之長，故稱西伯。

(三) 質 正也。

(四) 斑白 老人頭髮半黑半白，稱曰斑白。

(五) 履 至也。

(六) 閑田 空園之田，不爲處有，而亦不爲芮有。

(七) 文王 名昌，本爲殷諸侯，施行仁政，爲西方諸侯之長，有天下三分之二。

曾子曰：「狎甚則相簡，莊甚則不親，是故君子之狎，足以交歡，其莊足以成禮。」孔子聞斯言也，曰：「二三子志之，孰爲參也，不知禮也。」

【要旨】 言君子之禮，狎足以交歡，莊足以成禮。

【注釋】

(一) 曾子

春秋武城人。字子輿，孔子弟子，傳孔子之道。述大學，作孝經。

(二) 狎甚則相簡，莊甚則不親。言太狎則易簡慢，太莊則易疏遠也。

(三) 志 同「識」，言牢記之也。

(四) 參 曾子名。

哀公問曰：「紳委章甫，有益於仁乎？」孔子作色而對曰：「君胡然焉！衰麻苴杖者，志不存乎樂，非耳弗聞，服使然也。黼黻袞冕者，容不褻慢，非性矜莊，服使然也。介冑執戈者，無退懦之氣，非體純猛，服使然也。且臣聞之，好肆不守折，而長者不爲市竊，夫其有益與無益，君子所以知。」

【要旨】 言服裝關係之大。

【注釋】

(一) 哀公 魯定公之子，名蔣。在位二十七年。

(二) 紳委章甫 紳委，大帶之委兒，章甫，冠名。

(三) 作色 變色貌。

（四）胡然 胡言也。

（五）衰麻苴杖 衰麻，喪服也，用熟麻布製。苴杖為喪服所用之竹杖。

（六）黼絺袞冕 繪繡之衣裳，謂之黼絺，天子之禮服，謂之袞冕。

（七）褻慢 輕慢也。

（八）好肆不守折而長者不為市 好肆售貨不折扣，長者之行，則不為市買之事也。

（九）竊 當作「察」。

孔子謂子路曰：「見長者而不盡其辭，雖有風雨，吾不能入其門矣；見君子以其所能敬人，小人反是。」

【要旨】言君子以其所能敬人，小人則反是。

【注釋】（一）不盡其辭 不能盡言其所欲言也。

（二）雖有風雨吾不能入其門矣 言如此等人，吾雖遇風雨，亦不願入其門也。

孔子謂子路曰：「君子以心導耳目，立義以為勇，小人以耳目導心，不慙。」

以爲勇，故曰退之而不怨，先之斯不從己。」

【要旨】言君子以心導耳目，小人以耳目導心。

【注釋】（一）心導耳目，以心爲主，心既有主，以導耳目，則耳目爲心所主。

（二）耳目導心，以耳目爲得，導其心志，則心無所主矣。

（三）遜，同「遜」。

（四）退之而不怨，先之斯不從己，退之而不怨，能自遜也；先之不縱己，能自守也。

孔子曰：「君子有三患：未之聞，患不得聞，既得聞之，患弗得學；既得學之，患弗能行。有其德而無其言，君子恥之；有其言而以無其行，君子恥之。既得之而又失之，君子恥之。地有而民不足，君子恥之。衆寡均而人功倍己，君子恥之。」

【要旨】言君子之三患。

【注釋】（一）地有而民不足，言有其地而不足有其民也。

(二) 衆寡均而人功倍已焉。衆寡雖均，而人之功倍於己也。

魯人有獨處室者，隣之釐婦亦獨處一室。夜暴風雨至，釐婦室壞，趨而託焉。魯人閉戶而不納。釐婦自牖與之言，子何不仁而不納我乎？魯人曰：「吾聞男子不六十，不開居。今子幼，吾亦幼，是以不敢納爾也。」婦人曰：「子何不如柳下惠，然嫗不逮門之女，國人不稱其亂。」魯人曰：「柳下惠則可，吾固不可，吾將以吾之不可，學柳下惠之可。」孔子聞之，曰：「善哉！欲學柳下惠者，未有似於此者，期於至善而不襲其爲，可謂智乎？」

【要旨】言魯人之智，期於至善而不襲其爲。

【注釋】(一) 釐婦 寡婦也，亦作釐婦。

(二) 託 托身也。

(三) 牖 穿壁以木爲交之窗曰牖。

(四) 開居 同居也。

(五)柳下惠 春秋時魯人居柳下，諡曰惠。

(六)嫗不逮門之女 老婦曰嫗，不逮門之女，言尚未及門之女也。

(七)饑 因而仍之也。

孔子曰：「小辯害義，小言破道。關雎興于鳥，而君子美之，取其雄雌之有別；鹿鳴興於獸，而君子大之，取其得食而相呼；若以鳥獸之名，嫌之，固不可行也。」

【要旨】言君子所以美關雎鹿鳴，取其雄雌有別，得食相呼。

【注釋】(一)小辯害義，小言破道。言小辯足以害義，小言足以破道者也。

(二)關雎 詩國風篇名，文王后妃所作，思得淑女以自助，樂而不淫，哀而不傷。

(三)鹿鳴 詩經篇名，借鹿得食相呼，以喻得意者。

(四)嫌 不滿意也。

孔子謂子路曰：「君子而強氣，則不得其死；小人而強氣，則刑戮荐臻。」

【要旨】言強氣之害。

【注釋】（一）強氣 意氣強僻也。

（二）荏瘳 重仍而至也。

幽詩曰：「殆天之未陰雨，徹彼桑土，綢繆牖戶，今汝下民，或敢侮余。」孔子曰：「能治國家之如此，雖欲侮之，豈可得乎？周自后稷積行累功，以有傅土，公劉重之以仁，及至大王，亶甫敦以德讓，其樹根置本備豫遠矣！初大王都幽，翟人侵之，事之以皮幣，不得免焉；事之以珠玉，不得免焉；於是屬耆老而告之，所欲吾土地，吾聞之，君子不以所養而害人，二三子何患乎無君，遂獨與大姜去之，踰梁山，呂于岐山之下，幽人曰：「仁人之君，不可失也。」從之如歸市焉。天之與周，民之去殷，久矣，若此而不能天下，未之有也。武庚惡能侮。」

【要旨】

言周治國之善，武庚惡能侮之。

【注釋】

(一) 幽詩 詩國風之一，述后稷公劉之化。

(二) 殆 及也。

(三) 徹彼桑土 綯繆厲戶 言在天未雨時，剝取桑根以纏綿其厲戶也。

(四) 后稷 周之始祖，名棄，堯時爲農師，舜時爲后稷，十五傳至武王，始有天下。

(五) 公劉 后稷之後，修后稷之業，遷於豳，周室自此乃興。

(六) 大王 實甫 卽周太王，初居豳，後遷岐山之下，改國號曰周。

(七) 豳 地名，在今陝西邠縣。

(八) 翟 同「狄」。

(九) 大姜 大王之后。

(一〇) 梁山 在今陝西乾縣西北。

(一一) 岐山 在今山西介休縣。

(一) 武庚 紂之子，名祿父，與管蔡共爲亂者。

鄒詩曰：「執轡如組，兩驂如儻。」孔子曰：「爲此詩者，其知政乎？夫爲組者，總紕於此，成文於彼，言其動於近，行於遠也。執此法以御民，豈不化乎？竿旄之忠告至矣哉！」

【要旨】言爲鄒詩者之知政。

【注釋】(一) 鄒詩 詩國風之一。

(二) 執轡如組，兩驂如儻 儻同「彘」。組，音祖，絲條也。驂，駕車兩旁之馬也。言執轡者能如爲絲條，和諧中節，則兩驂如舞疾行矣。

(三) 總紕 織緣邊也。

(四) 竿旄之忠告 竿旄之詩者，樂乎善道，告人取喻於素絲良馬，如組紕之意。

觀周第十一

孔子謂南宮敬叔曰：「吾聞老聃博古知今，通禮樂之原，明道德之歸，則

吾師也，今將往矣。」對曰：「謹受命。」遂言於魯君曰：「臣受先臣之命云：『孔子，聖人之後也，滅於宋，其祖弗父何始有國，而受厲公及正考父佐戴武宣三命，茲益恭，故其鼎銘曰：『一命而僂，再命而偃，三命而俯，循牆而走，亦莫余敢侮，饘於臯粥，於是以餬其口。』其恭儉也若此。』臧孫紇有言：『聖人之後，若不當世，則必有明德而達者焉。』孔子少而好禮，其將在矣。屬臣，汝必師之。』今孔子將適周，觀先王之遺制，考禮樂之所極，斯大業也，君盍以乘資之，臣請與往。」公曰：「諾。」與孔子車一乘，馬二匹，豎子侍御，敬叔與俱。至周，問禮於老聃，訪樂於萇，汎歷郊社之所，考明堂之則，察廟朝之度，於是喟然曰：「吾乃今知周公之聖，與周之所以王也。」及去周，老子送之，曰：「吾聞富貴者送人以財，仁者送人以言，吾雖不能富貴，而竊仁者之號，請送子以言乎！凡當今之士，聰明深察而近於死者，好譏議人者也；博辯閎

達，而危其身，好發人之惡者也。無以有己，爲人子者，無以惡己，爲人臣者。」
孔子曰：「敬奉教！」自周反魯，道彌尊矣。遠方弟子之進，蓋三千焉。

【要旨】

叙孔子至周問禮老聃。

【注釋】

(一)老聃 卽老子，姓李，名耳，字伯陽，爲周守藏史，博古知今而好道者。

(二)先臣 人臣對國君自稱其父曰先臣，指敬叔之父孟僖子言。

(三)聖人之後 孔子爲殷微子之後，故云聖人之後。

(四)滅於宋 孔子六世祖孔父嘉，仕於宋，爲華督所殺，其子奔魯，故謂滅於宋。

(五)弗父何 孔父嘉之高祖，宋愍公世子厲公之兄。

(六)厲公 弗父何之弟。

(七)正考父 弗父何之曾孫，孔父嘉之父。

(八)戴武宣 宋之三君。

(九)三命 上卿之位，言正考父歷佐三公，至步卿位而愈益恭謹也。

(一〇)鼎銘 廟中之鼎銘也。古者臣有功德，君命銘之於其宗廟之鼎。

(一一)一命而僉，再命而備，三命而俯。周制，列國公侯伯之官，一命爲士，再命爲大夫。

三命爲卿，僉，偃曲背貌；俯，垂首屈身貌。均示恭謹也。

(一二)饋於是粥。饋，音贍，歷厚者曰饋，薄者曰粥。特饋粥以餬口，言其儉也。

(一三)臧孫紇 魯大夫，卒諡武仲。

(一四)以乘資之 乘，指車馬，以車馬資給之也。

(一五)嚶子 指宮內供役使小臣言。

(一六)棗凱 凱，同「弘」，周之大夫。

(一七)明堂 王者所居，出教令之堂也。

(一八)廟朝 謂宗廟朝廷。

(一九)無以有己爲人子者 言爲人子者，身體屬於父母，不得自尊也。

孔子觀乎明堂，視四門墉，有堯舜與桀紂之象，而各有善惡之狀，典廢之。

誠焉。又有周公相成王抱之，負斧扆南面以朝諸侯之圖焉。孔子徘徊而望之，謂從者曰：「此周公所以盛也。夫明鏡所以察形，往古者所以知。今人主不務鑿迹於其所以安存，而急急所以危亡，是猶未有以異於却走而欲求及前人也，豈不惑哉？」

【要旨】 叙孔子徘徊明堂，知周之所以盛，而歎今人主之惑。

【注釋】 (一) 墉 堂中北牆也。

(二) 斧扆 扆音倚。昔人謂爲緋素屏風，繡有斧文，所以示威者。

(三) 人主不務鑿迹於其所以安存 言人主不知效法前人所以安存之道也。

孔子觀周，遂入太祖后稷之廟，廟堂右階之前，有金人焉，參臧其口，而銘其背曰：「古之慎言人也，戒之哉。無多言，多言多敗。無多事，多事多患。安樂必戒，無所行悔。勿謂何傷，其禍將長。勿謂何害，其禍將大。勿謂不聞，神將伺

人焯焯不滅，炎炎若何。涓涓不壅，終爲江河。綿綿不絕，或成網羅。毫末不札，將尋斧柯。誠能慎之，福之根也。口是何傷，禍之門也。強梁者不得其死，好勝者必遇其敵。盜憎主人，民怨其上。君子知天下之不可上也，故下之；知衆人之不可先也，故後之。溫恭慎德，使人慕之；執雌持下，人莫踰之；人皆趨彼，我獨守此，人皆或之，我獨不徙。內藏我智，不示人技；我雖尊高，人弗我害。誰能於此？江海雖左，長於百川，以其卑也。天道無親，而能下人，戒之哉！孔子旣讀斯文也，顧謂弟子曰：「小人識之！此言實而中，情而信。」詩云：「戰戰兢兢，如臨深淵，如履薄冰。」行身如此，豈以口過患哉！

【要旨】叙孔子觀周，有金人參緘其口，乃戒弟子，毋患口過。

【注釋】（一）太祖后稷，周之遠祖后稷，名棄，虞舜時爲后稷之官。

（二）焯焯，與「饒」同，火小貌。

(三) 炎炎 勢盛貌。

(四) 涓涓不壅 涓涓，小流貌。壅，塞也。

(五) 綿綿 細微貌。

(六) 毫末不札 將尋斧柯。札，拔也。言若因細小不除，則至根深蒂固，非用斧柯不可矣。

(七) 執雌持下 雌，卑下也。言自居者卑也。

(八) 或 同「惑」。

(九) 戰戰兢兢 戰戰，恐也。兢兢，戒也。蓋恐墜恐陷，故自戒也。

孔子見老聃而問焉，曰：「甚矣道之於今難行也，吾比執道而令委質以求當世之君而弗受也，道於今難行也。」老子曰：「夫說者流於辯，聽者亂於辭，知此二者，則道不可以忘也。」

【要旨】 言道之難行。

【注釋】 (一) 比 及也。

(一)委質 質饋贊 古人相見，必執贊以爲禮者。

(二)流 失也。

弟子行第十二

衛將軍文子問於子貢曰：「吾聞孔子之施教也，先之以詩書，導之以孝悌，說之以仁義，觀之以禮樂，然後成之以文德。蓋入室升堂者七十有餘人，其孰爲賢？」子貢對以不知。文子曰：「以吾子常與學賢者也，何爲不知？」子貢對曰：「賢人無妄，知賢卽難。故君子之言曰：『智莫難於知人。』是以難對也。」文子曰：「若夫知賢莫不難，今吾子親遊焉，是以敢問。」子貢曰：「夫子之門人，蓋有三千就焉，賜有逮及焉，未逮及焉，故不得徧知以告也。」文子曰：「吾子所及者，請聞其行。」子貢對曰：「夫能夙興夜寐，諷誦崇禮，行不貳過，稱言不苟，是顏回之行也。孔子說之以詩曰：『媚茲一人，應侯慎。」

德永言孝思，孝思惟則。若逢有德之君，世受顯命，不失厥名，以御于天子，則王者之相也。在貧如客，使其臣如借，不遷怒，不深怨，不祿舊罪，是再雍之行也。孔子論其材曰：「有土之君子也，有衆使也，有刑用也，然後稱怒焉。」孔子告之以詩曰：「靡不有初，鮮克有終，匹夫不怒，唯以亡其身。」不畏強禦，不侮矜寡，其言循性，其都以富材任治，戎是仲由之行也。孔子和之以文，說之以詩曰：「受小共大共，而爲下國駿厲，荷天子之龍。」不懟不悚，敷奏其勇，強乎武哉。文不勝其質，恭老卹幼，不忘賓旅，好學博藝，省物而勤也，是冉求之行也。孔子因而語之曰：「好學則智，卹孤則惠，恭則近禮，勤則有繼，堯舜篤恭以王天下，其稱之也曰宜爲國老。」齋莊而能肅，志通而好禮，儀相兩君之事，篤雅有節，是公西赤之行也。子曰：「禮經三百，可勉能也，威儀三千，則難也。」公西赤問曰：「何謂也？」子曰：「貌以儉禮，禮以儉辭，是謂

難焉。衆人聞之，以爲成也。孔子語人曰：「當賓客之事，則違矣。」謂門人曰：「二三子之欲學賓客之禮者，其於赤也。」滿而不盈，實而如虛，過之如不及，先王難之。博無不學，其貌恭，其德敦，其言於人也，無所不信，其驕大人也，常以浩浩，是以眉壽，是曾參之行也。孔子曰：「孝，德之始也；悌，德之序也；信，德之厚也；忠，德之正也。參，中夫四德者也，以此稱之。」美功不伐，貴位不善，不侮不伐，不傲無告，是顓孫師之行也。孔子言之曰：「其不伐，則猶可能也，其不弊百姓，則仁也。」詩云：「愷悌君子，民之父母。」夫子以其仁爲大學之深，送迎必敬，上交下接若截焉，是卜商之行也。孔子說之以詩曰：「式夷式已，無小人殆，若商也，其可謂不險矣。」貴之不喜，賤之不怒，苟利於民矣，廉於行己，其事上也，以佑其下，是澹臺滅明之行也。孔子曰：「稱貴獨富，君子恥之，夫也中之矣。」先成其慮，及事而用之，故動則不妄，是言偃之行。

也。孔子曰：「欲能則學，欲知則問，欲善則詳，欲給則豫，當是而行，偃也得之矣。」獨居思仁，公言言義，其於詩也，則一日三復白圭之玷，是宮綰之行也。孔子信其能仁，以爲異士，自見孔子，出入於戶，未嘗越履，往來過之，足不履影，啓蟄不殺，方長不折，執親之喪，未嘗見齒，是高柴之行也。孔子曰：「柴於親喪，則難能也，啓蟄不殺，則順人道，方長不折，則恕仁也，成湯恭而以恕，是日躋。」凡此諸子，賜之所親視者也，吾子有命而評賜，賜也固不足以知賢。」文子曰：「吾聞之也，國有道則賢人興焉，中人用焉，乃百姓歸之。若吾子之論，既富茂矣，登諸侯之相也，抑世未有明君，所以不遇也。」

【要旨】 言弟子之行。

【注釋】 (一) 衛將軍文子，衛卿，名彌牟。

(二) 妄，無妄言妄動也。

(三)行不貳過。貳，再也。言行有不善即知，知之則未嘗再行。

(四)苟。苟且也。

(五)一人。指天子言。

(六)應侯慎德。應，當也。言當於其心，惟慎德也。

(七)使其臣如借。言不有其臣，如借使之也。

(八)冉雍。字仲弓，孔子弟子，居德行科。

(九)靡不有初，鮮克有終。言無不有初，而少能有終，言冉雍能終其行也。

(一〇)唯以亡其身。言惟匹夫以怒，乃亡其身也。

(一一)戎。軍旅曰戎。

(一二)共。法也。

(一三)爲下國駿厲，荷天子之龍。言爲下國大而且厚，乃可任天下道也。

(一四)不慙不悚。慙音緜，悚音聳，懼也。

孔子家語讀本 卷上

一〇八

(一五)省物 省錄諸事也。

(一六)國老 助宣德教者。

(一七)齋莊 齋一心志而莊嚴也。

(一八)公西赤 字子華，少孔子四十二歲，孔子弟子。

(一九)禮經三百 周公制禮經，即今所謂儀禮。

(二〇)威儀三千 有威而可畏謂之威，有儀而可象謂之儀，威儀三千，古之容止也。

(二一)廣 導也。

(二二)大人 指富貴者言。

(二三)浩浩 志大也。

(二四)眉壽 謂壽考也，言人年老者，必有豪毛秀出。

(二五)不侮不伐 侮，快；貧功慕勢貌。

(二六)無告 指隸寡孤獨言，此四者天民之窮而無告者。

(二七) 顏孫師 字子張，孔子弟子。

(二八) 愷悌君子 樂易之君子也。

(二九) 爲大學之深 言爲學而能入其深義也。

(三〇) 卜商 孔子弟子，字子夏，與子游並列文學科。

(三一) 式夷式已，無小人殆 言用平則已，無小人至於危也。

(三二) 潛臺滅明 字子羽，武城人，孔子弟子。行不由徑，非公事不謁邑宰。

(三三) 夫 謂滅明。

(三四) 言偃 字子游，孔子弟子，習於文學，仕魯爲武城宰，以禮樂爲教。

(三五) 詳 詳慎也。

(三六) 白圭之玷 玷，缺也。詩曰：「白圭之玷，尚可磨也。斯言之玷，不可爲也。」

(三七) 宮縉 孔子信其能仁者。

(三八) 異士 殊異之士。

孔子家語讀本 卷上

(三九)啓蟄不殺 春分當發蟄虫啓戶咸出於此時不殺生也。

(四〇)方長不折 春夏草木方長不折者也。

(四一)高柴 字子羔，孔子弟子，性仁孝，嘗爲衛政。

(四二)濟 升也。

(四三)訖 同「訖」。

(四四)中人 中庸之人。

(四五)壹 皆也。

貢既與衛將軍文子言，適魯，見孔子曰：「衛將軍文子問二三子之於賜，不壹而三焉，賜也辭不獲命，以所見者對矣，未知中否，請以告。」孔子曰：「言之乎？」子貢以其辭狀告孔子，子聞而笑曰：「賜，汝次爲人矣。」子貢對曰：「賜也何敢知人，此以賜之所覩也。」孔子曰：「然，吾亦語汝耳之所未聞，目之所未見者，豈思之所不至，知之所未及哉？」子貢曰：「賜願得聞之！」

「孔子曰：『不克不忌，不念舊怨，蓋伯夷叔齊之行也。思天而敬之，服義而行信，孝於父母，恭於兄弟，從善而不教道，趙文子之行也。其事君也不敢愛其死，然亦不敢忘其身，謀其身不遺其友，君陳則進而用之，不陳則行而退，蓋隨武子之行也。其爲人之淵源也，多聞而難誕，內植足以沒其世，國家有道，其言足以治，無道其默足以生，蓋銅鞮伯華之行也。外寬而內止，自極於隱括之中，直己而不直人，汲汲於仁，以善自終，蓋蘧伯玉之行也。孝恭慈仁，允德圖義，約貨去怨，輕財不匱，蓋柳下惠之行也。其言曰：『君雖不量於其身，臣不可以不忠於其君，是故君擇臣而任之，臣亦擇君而事之。』有道順命，無道衡命，蓋晏平仲之行也。蹈忠而行信，終日言不在尤之內，國無道處賤不悶，貧而能樂，蓋耆來子之行也。易行以俟天命，居下不援其上，其親觀於四方也，不忘其親，不盡其樂，以不能則學，不爲己終身之憂，蓋介子山之

行也。」子貢曰：「敢問夫子之所知者，蓋盡於此而已乎？」孔子曰：「何謂其然，亦略舉耳目之所及而已。昔晉平公問祁奚曰：『羊舌大夫晉之良大夫也，其行如何？』祁奚辭以不知。公曰：『吾聞子少長乎其所，今子掩之，何也？』祁奚對曰：『其少也恭而順心，有恥而不使其過宿，其爲大夫，悉善而謙其端，其爲與劇也，信而好直其功，至於其爲容也，溫良而好禮，博聞而時出其志。』公曰：『曩者問子，子奚曰不知也？』祁奚曰：『每位改變未知所止，是以不敢得知也。』此又羊舌大夫之行也。」子貢跪曰：「請退而記之。」

【要旨】 記孔子言諸子之行。

【注釋】 (一) 辭不獲命 言辭不得其命也。

(二) 次 言爲知人之次也。

(三) 忘 憎惡曰忘。

(四)伯夷叔齊 殷孤竹君之二子，武王伐殷，夷齊叩馬而諫，及周有天下，恥食周粟，餓死於首陽山。

(五)趙文子 趙武，亦稱趙孟，晉人，相悼公，薄諸侯之幣而重其禮，晉人謂文子爲知人。

(六)陳 陳列於君，爲君之使用也。

(七)隨武子 未詳。

(八)誕 欺也。

(九)銅鞮伯華 卽羊舌赤，春秋晉人，佐祁午爲中軍尉，世號之曰銅鞮伯華。

(一〇)懸括 所以自極也。

(一一)汲汲 欲速之意。

(一二)蘧伯玉 名瑗，春秋時衛人，行年五十而知四十九年之非，故世稱之賢大夫。

(一三)允 信也。

(一四)約貨 約省其貨也。

(一五)柳下惠 春秋時魯人居柳下，臨曰惠，孟子稱爲聖之州。

(一六)衡 橫也，衡命謂不受其命而隱居者也。

(一七)晏平仲 春秋齊人，名嬰，相齊景公，食不重肉，妾不衣帛，盡忠補過，名顯諸侯。

(一八)尤 過失也。

(一九)老來子 楚人，事二親孝，耕於蒙山下，楚王聞其賢，欲聘之，不受，去至江南，著書

十五篇。

(二〇)易 治也。

(二一)介子山 春秋晉人，亦稱介之推。從晉文公出亡，及還，隱於綿山，文公求之不得，

焚山，竟不出而死，公哀之，以綿上爲之田，名曰介山。

(二二)晉平公 悼公子名彪，在位二十六年。

(二三)祁奚 晉大夫，悼公使爲中軍尉，請老。平公立，以奚爲公族大夫。

(二四)羊舌大夫 春秋晉大夫，名職，佐祁奚爲中軍尉。

(二五)與尉 官名，上車尉也。

賢君第十三

哀公問於孔子曰：「當今之君，孰爲最賢？」孔子對曰：「丘未之見也，抑有衛靈公乎？」公曰：「吾聞其闔門之內無別，而子次之賢何也？」孔子曰：「臣語其朝廷行事，不論其私家之際也。」公曰：「其事何如？」孔子對曰：「靈公之弟曰公子渠牟，其智足以治千乘，其信足以守之，靈公愛而任之。又有士曰林國者，見賢必進之，而退與分其祿，是以靈公無遊放之士，靈公賢而尊之。又有士曰慶足者，衛國有大事，則必起而治之，國無事則退而容賢，靈公悅而敬之。又有大夫史鮑，以道去衛，而靈公郊舍三日，琴瑟不御，必待史鮑之入而後敢入。臣以此取之，雖次之賢，不亦可乎？」

【要旨】 衛靈公善用賢士，故孔子次之賢。

【注釋】

(一)衛靈公 獻公孫，名元，在位四十二年，臨靈。

(二)次 位也。

(三)公子渠牟 靈公之弟。

(四)千乘 千乘之國，諸侯之國也。

(五)林國 衛國之士。

(六)遊放之士 遊逸放蕩之士。

(七)慶足 衛國之士。

(八)史鱓 衛大夫，字子魚，亦稱史魚，屍諫靈公，卒進籩伯玉而退彌子瑕。

(九)琴瑟不御 御，進也。琴瑟不御，言不進琴瑟之樂也。

子貢問於孔子曰：「今之人臣，孰爲賢？」子曰：「吾未識也，往者齊有鮑叔，鄭有子皮，則賢者矣。」子貢曰：「齊無管仲，鄭無子產。」子曰：「賜，汝徒

子曰：「然吾聞鮑叔達、管仲、子皮、達子產，未聞一子之達賢，己之才者也。」

【要旨】鮑叔子皮能進賢於君，孔子所以稱賢。

【注釋】（一）鮑叔 齊大夫，與管仲相友善，公子糾死，因薦管仲於齊桓公。

（二）鄭 國名，在今河南新鄭縣，戰國時爲韓所滅。

（三）子皮 公孫舍之子，字子皮，代父爲上卿，知子產賢，授之以政，及卒，子產哭之。

（四）管仲 名夷吾，齊桓公之賢相。

（五）子產 公孫僑，字子產，鄭大夫，柄國四十餘年，主寬猛相濟之政。

（六）達 薦也。

哀公問於孔子曰：「寡人聞忘之甚者，徒而忘其妻，有諸？」孔子對曰：「此猶未甚者也，甚者乃忘其身。」公曰：「可得而聞乎？」孔子曰：「昔者夏桀爲天子，富有四海，忘其聖祖之道，壞其典法，廢其世祀，荒于淫樂，耽湎于酒，佞臣諂諛，窺導其心，忠士折口，逃罪不言，天下誅桀而有其國，此謂忘

其身之甚矣。」

【要旨】言夏桀之甚忘其身。

【注釋】（一）夏桀 夏末世之君，名癸，暴虐無道，湯率師伐之，走死鳴條。

（二）沈湎 同「沈湎」，溺於酒也。

（三）折口 杜口也。

顏淵將西遊於宋，問於孔子曰：「何以爲身？」子曰：「恭敬忠信而已矣。恭則遠於患，敬則人愛之，忠則和於衆，信則人任之，勤斯四者，可以政國。豈特一身者哉？故夫不比於數，而比於疎，不亦遠乎？不修其中，而修外者，不亦反乎？慮不先定，臨事而謀，不亦晚乎？」

【要旨】言勤恭敬忠信四者，可以政國，可以爲身。

【注釋】（一）宋 國名，爲春秋時十二諸侯之一，後滅於齊。

(三)不比於數而比於疎。言不近親數而近疎遠者也。

孔子讀詩，于正月六章，惕然如懼曰：「彼不達之君子，豈不殆哉？從上依世則道廢，違上離俗則身危，時不興善，已獨由之，則曰非妖即妄也。故賢也既不遇天，恐不終其命焉。桀殺龍逢，紂殺比干，皆是類也。」詩曰：「謂天蓋高，不敢不周，謂地蓋厚，不敢不跲。」此言上下畏罪，無所自容也。

【要旨】叙孔子讀正月六章後，深懼上下畏罪，無所自容。

【注釋】(一)正月 詩篇名。

(二)惕然 敬懼貌。

(三)桀殺龍逢 關龍逢，夏之賢臣。夏桀無道，爲酒池糟丘，龍逢極諫，桀因而殺之。

(四)紂殺比干 比干殷紂諸父，諫紂不聽，反爲紂所殺。

(五)局 曲也。

(六)跲 累足也。

孔子家語讀本 卷上

子路問於孔子曰：「賢君治國，所先者何？」孔子曰：「在於尊賢而賤不肖。」子路曰：「由聞晉中行氏尊賢而賤不肖矣，其亡何也？」孔子曰：「中行氏尊賢而不能用，賤不肖而不能去，賢者知其不用而怨之，不肖者知其必己賤而讎之，怨讎並存於國，鄰敵構兵於郊，中行氏雖欲無亡，豈可得乎？」

【要旨】言賢君治國，在用賢而去不肖。

【注釋】（一）由 子路之名。

（二）中行氏 卽荀林父，爲文公御戎，敗楚師，又佐上軍，敗秦師，卒諡桓，故稱中行桓子，以林父始將中行，故別稱中行氏。

（三）構兵 興兵也。

孔子閑處，喟然而歎曰：「嚮使銅鞮伯華無死，則天下其有定矣。」子路

曰：「由願聞其人也。」子曰：「其幼也敏而好學，其壯也有勇而不屈，其老也有道能下人，有此三者，以定天下也，何難乎哉？」子路曰：「幼而好學，壯而有勇，則可也，若夫有道下人，又誰下哉？」子曰：「由不知吾聞以衆攻寡，無不尅也，以貴下賤，無不得也。昔者周公居冢宰之尊，制天下之政，而猶下白屋之士，日見百七十人，斯豈以無道也，欲得士之用也，惡有有道而無下天下君子哉？」

【要旨】 叙孔子稱善銅鞮伯華，以其幼也敏而好學，壯也有勇不屈，老也有道能下人。

【注釋】 (一) 櫛 假設之意。

(二) 銅鞮伯華 卽羊舌赤，春秋晉人，佐祁午爲中軍尉。

(三) 下人 下於人也，有謙下之意。

(四) 冢宰 官名，爲六卿之首。

(五) 白屋 草屋也。

齊景公來適魯，舍于公館，使晏嬰迎孔子。孔子至，景公問政焉。孔子答曰：「政在節財。」公悅。又問曰：「秦穆公國小處僻而霸，何也？」孔子曰：「其國雖小，其志大，處雖僻而其政中，其舉也果，其謀也利，法無私而令不愉，首拔五穀，爵之大夫，與語三日，而授之以政，此取之，雖王可，其編少矣。」景公曰：「善哉！」

【要旨】言政在節財及秦國小處僻而霸之故。

【注釋】（一）齊景公 莊公之弟，名杵臼，在位五十八年。

（二）舍 宿也。

（三）晏嬰 字平仲，春秋齊人，世稱晏子。

（四）秦穆公 名任好，修政治，惠人民，益國二十，開地三千里，遂為春秋五霸之一。

（五）愉 宜作「偷」，苟且也。

（六）首 宜作「身」。

(七)五穀 五穀大夫，百里奚也。相秦穆公，七年而霸，以其曾賣五穀羊之皮，故號五穀大夫。

(八)爵 授以將位也。

哀公問政於孔子。孔子對曰：「政之急者，莫大乎使民富且壽也。」公曰：「爲之奈何？」孔子曰：「省力役，薄賦斂，則民富矣；敦禮教，遠罪疾，則民壽矣。」公曰：「寡人欲行夫子之言，恐吾國貧矣。」孔子曰：「詩云：『愷悌君子，民之父母。』未有子富而父母貧者也。」

【要旨】 言政之急者，在使民富而且壽。

【注釋】 (一)力役 用民力以供役也。

(二)愷悌 一作豈弟，樂易也。

衛靈公問於孔子曰：「有語寡人曰：『有國家者，計之於廟堂之上，則政治矣，如何？』」孔子曰：「其可也。愛人者則人愛之，惡人者則人惡之，知得之已

者，則知得之人，所謂不出環堵之室，而知天下者，知及己之謂也。

【要旨】言爲政之道，在知己及人。

【注釋】（一）計 謀算也。

（二）環堵之室 堵長一丈，高一尺，而環一堵爲方丈者，言其貧也。

（三）知及己 推己可以及人之意。

孔子見宋君，君問孔子曰：「吾欲使長有國，而列都得之，吾欲使民無惑，吾欲使士竭力，吾欲使日月當時，吾欲使聖人自來，吾欲使官府治理，爲之奈何？」孔子對曰：「千乘之君，問丘者多矣，而未有若主君之問問之悉也。然主君所欲者，盡可得也。丘聞之，鄰國相親，則長有國；君惠臣忠，則列都得之；不殺無辜，無釋罪人，則民不惑；士益之祿，則皆竭力；尊天敬鬼，則日月當時；崇道貴德，則聖人自來；任能黜否，則官府治理。」宋君曰：「善哉！豈不然

乎？寡人不佞，不足以致之也。」孔子曰：「此事非難，唯欲行之云耳。」

【要旨】叙孔子爲宋君言治國之方。

【注釋】（一）列郡得之，國之列郡，皆得其道也。

（二）悉，詳盡也。

（三）益，增加曰益。

（四）黜否，言排斥無能者也。

（五）佞，才也，不佞，自謙之詞。

辯政第十四

子貢問於孔子曰：「昔者齊君問政於夫子，夫子曰：『政在節財。』魯君問政於夫子，夫子曰：『政在論臣。』葉公問政於夫子，夫子曰：『政在悅近而來遠。』三者之問一也，而夫子應之不同，然政在異端乎？」孔子曰：「各因其事也。齊君爲國，奢乎臺榭，淫于苑囿，五官伎樂，不解於時，一旦而賜人

以千乘之家者三，故曰政在節財。魯君有臣三人，內比周以愚其君，外距諸侯之賓以蔽其明，故曰政在論臣。夫荆之地廣而都狹，民有離心，莫安其居，故曰政在悅近而來遠。此三者所以爲政殊矣。詩云：「喪亂蔑資，曾不惠我師。」此傷奢侈不節以爲亂者也。又曰：「匪其止共，惟王之印。」此傷姦臣蔽主以爲亂者也。又曰：「亂離瘼矣，奚其適歸。」此傷離散以爲亂者也。察此三者，政之所欲，豈同乎哉？」

【要旨】 叙孔子答齊魯荆三君爲政不同之故。

【注釋】 (一) 論 曉諭也。

(二) 葉公 荆之君也。

(三) 異端 背於正道者。

(四) 伎樂 伎同「妓」，伎樂，歌伎之樂也。

(五)有臣三人 指孟叔孫季孫三人言。

(六)比 親也。

(七)距 違抗也。

(八)荆 楚未改國號前，受氏曰荆。

(九)喪亂蔑資 曾不惠我師。蔑，無也。資，財也。師，衆也。言爲亡亂之政，重賦厚斂，民無資財，曾莫肯愛我衆也。

(一〇)匪其止共 惟五之印。止，息也。印，病也。言讒人不共所止息，故惟王之病也。

(一一)亂離瘼矣 奚其適歸。離，憂也。瘼，病也。言離散以成憂病，將安所歸也。

孔子曰：「忠臣之諫君，有五義焉：一曰譎諫，二曰嚮諫，三曰降諫，四曰直諫，五曰風諫。唯度主而行之，吾從其諷諫乎。」

【要旨】 言忠臣之諫。

【注釋】 (一)義 宜也。

(二) 諫 正其事以諫諫其君也。

(三) 諛 諛 無文飾之諫。

(四) 降 諫 卑降其體所以諫也。

(五) 直 諫 正直而諫。

(六) 風 諫 依違遠罪而避害者也。

子曰：「夫道不可不貴也。中行文子倍道失義，以亡其國，而能禮賢，以活其身；賢人轉禍爲福，此謂是與。」

【要旨】 言道之不可不貴。

【注釋】 (一) 中行文子得罪於晉，出亡至邊，從者曰：「謂此裔夫者，君子也，故休馬待驥者。」文子曰：「吾好音，子遺吾琴，好珮，子遺吾玉，是以不振，吾過自容於我者也，吾恐其以我求容也，遂不入。」車人聞文子之所言，執而殺之。

(二) 倍 與「背」同，反也。

(三)轉禍爲福 若人將死，不入得活，收曰轉禍爲福。

楚王將遊荆臺，司馬子祺諫，王怒之，令尹子西賀於殿下，諫曰：「荆臺之觀，不可失也。」王喜，拊子西之背曰：「與子共樂之矣。」子西步馬十里，引轡而止曰：「臣願言有道，王肯聽之乎？」王曰：「子其言之。」子西曰：「臣聞爲人臣而忠其君者，爵祿不足以賞也，諛其君者，刑罰不足以誅也。夫子祺者，忠臣也，而臣者諛臣也，願主賞忠而誅諛焉。」王曰：「今我聽司馬之諫，是猶能禁我耳，若後世遊之可也。」子西曰：「禁後世易耳，大王萬歲之後，起山陵於荆臺之上，則子孫必不忍遊於父祖之墓，以爲歡樂也。」王曰：「善。」乃還。孔子聞之曰：「至哉！子西之諫也，入之於千里之上，抑之於百世之後者也。」

【要旨】 美子西之諫，入之於千里之上，抑之於百世之後。

【注釋】

(一) 荆臺 楚國之台，楚本號荆，僖公元年，始改號楚。

(二) 司馬子祺 楚之大夫。

(三) 令尹子西 平王庶長子，字子西。昭王以吳入郢，奔隨，反國後，封爲令尹。

(四) 拊 與「撫」同。

(五) 萬歲之後 卽死後之尊稱也。

(六) 山陵 天子之塚。

(七) 抑 屈也。

子貢問於孔子曰：「夫子之於子產，晏子可爲至矣！敢問二大夫之所爲，目夫子之所以與之者？」孔子曰：「夫子產於民爲惠主，於學爲博物，晏子於君爲忠臣，於行爲恭敏，故吾皆以兄事之，而加愛敬。」

【要旨】 孔子自言所以愛敬子產晏子之故。

【注釋】 (一) 子產 春秋鄭大夫，又稱東里子產，博洽多聞，長於政治。

(二)晏子 卽晏嬰，字平仲，春秋齊人。

(三)目 視也。

(四)博物 於事無不博通也。

齊有一足之鳥，飛習於公朝，下止於殿前，舒翅而跳。齊侯大怪之，使使聘魯問孔子。孔子曰：「此鳥名曰商羊，水祥也。昔童兒有屈其一脚，振許兩眉而跳，曰：『謠曰：天將大雨，商羊鼓舞。』今齊有之，其應主矣。急告民趨治溝渠，脩隄防，將有大水爲災。」頃之，大霖雨水，溢泛諸國，傷害民人，唯齊有備不敗。景公曰：「聖人之言，信而有徵矣。」

【要旨】 叙聖人之言，信而有徵。

【注釋】 (一)習 鳥數飛也。

(二)舒 伸開也。

(三)使使 使一使者之謂。

孔子家語讀本 卷上

(四)商羊 鳥名，一足，文身赤口，晝伏夜飛，將雨則鳴。

(五)評 同「駟」。

(六)趨 疾行曰趨。

(七)霖 大雨曰霖。

(八)敗 不敗，無傷也。

(九)景公 齊景公，莊公弟，名杵臼，在位五十八年。

(一〇)徵 同「證」。

孔子謂宓子賤曰：「子治單父，衆悅子，何施而得之也？」子語丘所以爲之者。」對曰：「不齊之治也，父恤其子，其子恤諸孤而哀喪紀。」孔子曰：「善！小節也，小民附矣，猶未足也。」曰：「不齊所父事者三人，所兄事者五人，所友事者十一人。」孔子曰：「父事三人，可謂教孝矣；兄事五人，可以教悌矣；友事十一人，可以舉善矣；中節也，中人附矣，猶未足也。」曰：「此地民有賢

於不齊者五人，不齊事之而稟度焉，皆教不齊之道。」孔子歎曰：「其大者乃於此乎？有矣，昔堯舜聽天下，務求賢以自輔。夫賢者，百福之宗也，神明之主也，惜乎不齊之所以治者小也。」

【要旨】 叙宓子賤治單父之道。

【注釋】 (一) 宓子賤 名不齊，孔子弟子。嘗宰單父，鳴琴不下堂而治，孔子稱之曰君子。

(二) 單父 地名，故城在今山東單縣。

(三) 不齊 宓子賤之名。

(四) 紀 有紀律也。

(五) 小節 微末之行也。

(六) 中節 中庸之行也。

(七) 稟度 受命曰稟，法式曰度。

(八) 堯舜 唐堯虞舜，古之賢王。

孔子家語讀本 卷上

子貢爲信陽宰，將行，辭於孔子。孔子曰：「勤之慎之，奉天子之時，無奪無伐，無暴無盜。」子貢曰：「賜也少而事君子，豈以盜爲累哉？」孔子曰：「汝未之詳也。夫以賢代賢，是謂之奪；以不肖代賢，是謂之伐；緩令急誅，是謂之暴；取善自與，是謂之盜；盜，非竊財之謂也。吾聞之，知爲吏者，奉法以利民；不知爲吏者，枉法以侵民，此怨之所由也。治官莫若平，臨財莫如廉，廉平之守，不可改也。匿人之善，斯謂蔽賢；揚人之惡，斯爲小人；內不相訓而外相謗，非親睦也。言人之善，若己有之；言人之惡，若己受之，故君子無所不慎焉。」

【要旨】 叙子貢將行，孔子戒其無奪無伐，無暴無盜。

【注釋】 (一) 信陽 地名，今屬河南汝陽道治。

(二) 枉 屈也。

(三) 謗 斥人之惡曰謗。

子路治蒲三年，孔子過之，入其境，曰：「善哉，由也，恭敬以信矣。」入其邑，曰：「善哉，由也，忠信而寬矣。」至庭，曰：「善哉，由也，明察以斷矣。」子貢執轡而問曰：「夫子未見由之政，而三稱其善，其善可得聞乎？」孔子曰：「吾見其政矣。入其境，田疇盡易，草萊甚辟，溝洫深治，此其恭敬以信，故其民盡力也。入其邑，牆屋完固，樹木甚茂，此其忠信以寬，故其民不偷也。至其庭，庭甚清閑，諸下用命，此其言明察以斷，故其政不擾也。以此觀之，雖三稱其善，庸盡其美矣。」

【要旨】叙孔子三稱子路治蒲之善。

【注釋】（一）蒲 地名，故城在今山西永濟縣。

（二）轡 音秘，馬韉曰轡。

（三）易 治也。

(四) 草萊萑蒺 草萊萑蒺之謂也。

(五) 諸下用命 言凡下屬之人，均願用其命也。

(六) 庸 猶量也。

六本第十五

孔子曰：「行己有六本焉，然後爲君子也。立身有義矣，而孝爲本。喪紀有禮矣，而哀爲本。戰陣有列矣，而勇爲本。治政有理矣，而農爲本。居國有道矣，而嗣爲本。生財有時矣，而力爲本。置本不固，無務農桑，親戚不悅，無務外交。事不終始，無務多業。記聞而言，無務多說。比近不安，無務求遠。是故反本脩迹，君子之道也。」

【要旨】 言君子行己有六本。

【注釋】 (一) 喪紀 紀訓事，喪紀，喪事也。

(二) 嗣 子嗣也。言建國而子嗣不立，亂之始也。

(三) 記聞而言 謂但記所聞而言，心多失實。

(四) 迹 指先王之陳跡而言。

孔子曰：「藥酒苦於口而利於病，忠言逆於耳而利於行，湯武以諤諤而昌，桀紂以唯唯而亡。君無爭臣，父無爭子，兄無爭弟，士無爭友，無其過者，未之有也。故曰：『君失之，臣得之；父失之，子得之；兄失之，弟得之；己失之，友得之。』是以國無危亡之兆，家無悖亂之惡，父子兄弟無失，而交友無絕也。」

【要旨】 言忠言逆耳而利於行。

【注釋】 (一) 湯武 謂成湯及周武王。

(二) 諤諤 直言貌。

(三) 桀紂 夏商末世之暴君。

(四) 唯唯 音畏，恭應之辭。

(五) 悻 背理也。

孔子見齊景公，公悅焉，請置粟丘之邑以爲養。孔子辭而不受。入謂弟子曰：「吾聞君子當功受賞，今吾言於齊君，君未之有行，而賜吾邑，其不知丘亦甚矣。」於是遂行。

【要旨】 叙死子不肯無功受賞。

【注釋】 (一) 齊景公 名杵臼，莊公弟，在位五十八年。

(二) 粟丘 粟同「廩」，齊邑名，故城在今山東冠縣。

孔子在齊，舍於外館，景公造焉。賓主之辭既接，而左右白曰：「周使適至，言先王廟災。」景公復問災何王之廟也。孔子曰：「此必釐王之廟。」公曰：「何以知之？」孔子曰：「詩云：『皇皇上天，其命不忒。』天之以善，必報其德。禍亦如之。夫釐王變文武之制，而作文黃華麗之飾，宮室崇峻，輿馬奢侈，

而弗可振也。故天殃所宜加其廟焉。以是占之爲然。」公曰：「天何不殃其身，而加罰其廟也？」孔子曰：「蓋以文武故也。若殃其身，則文武之嗣，無乃殄乎？故當殃其廟，以彰其過。」俄頃，左右報曰：「所災者，釐王廟也。」景公驚起再拜曰：「善哉！聖之智過人遠矣。」

【要旨】言釐王廟受災之由，聖人之智，誠過人遠矣。

【注釋】（一）外館 館之在外者。

（二）釐王 夷王子，名胡，暴虐侈傲，在位三十四年。

（三）皇皇 美盛貌。

（四）忒 差也。

（五）文武 周文王周武王也。

（六）振 拔也。

（七）殄 音填，絕也。

子夏三年之喪畢，見於孔子。子曰：「與之琴，使之絃。」侃侃而樂，作而曰：「先王制禮，不敢不及。」子曰：「君子也。」閔子三年之喪畢，見於孔子。子曰：「與之琴，使之絃。」切切而悲，作而曰：「先王制禮，弗敢過也。」子曰：「君子也。」子貢曰：「閔子哀未盡，夫子曰：君子也。子夏哀已盡，又曰：君子也。二者殊情，而俱曰君子，賜也惑，敢問之。」孔子曰：「閔子哀未忘，能斷之以禮。子夏哀已盡，能引之及禮。雖均之君子，不亦可乎？」

【要旨】 閔子哀未忘，能斷之以禮；子夏哀已盡，能引之及禮，故孔子俱稱曰君子。

【注釋】 (一)侃侃 剛直貌。

(二)作 興起也。

(三)閔子 卽閔子騫，名損，性孝，孔子弟子。

(四)切切 憂思貌。

孔子曰：「無體之禮，敬也；無服之喪，哀也；無聲之樂，歡也。不言而信，不動而威，不施而仁。志夫鐘之音，怒而擊之則武，憂而擊之則悲，其志變者，聲亦隨之，故至誠感之，通於金石，而況人乎？」

【要旨】言至誠可通金石，不在徒具形式。

【注釋】（一）無體之禮，言無一定形式之禮也。

（二）至誠，言此心純誠之至。

孔子見羅雀者，所得皆黃口小雀。夫子問之曰：「大雀獨不得，何也？」羅雀者曰：「大雀善驚而難得，黃口貪食而易得，黃口從大雀則不得，大雀從黃口亦不得。」孔子顧謂弟子曰：「善驚以遠害，利食而忘患，自其心矣，而獨以所從爲禍福，故君子慎其所從，以長者之慮，則有全身之階，隨小者之趨，而有危亡之敗也。」

【要旨】 借黃口小雀爲喻，以明君子當慎其所從。

【注釋】 (一) 羅 以網捕之也。

(二) 黃口小雀 小雀口黃故名曰黃口小雀。

(三) 階 道也。

(四) 懸 愚也。

孔子讀易，至於損益，喟然而歎。子夏避席問曰：「夫子何歎焉？」孔子曰：「夫自損者必有益之，自益者必有決之，吾是以歎也。」子夏曰：「然則學者不可以益乎？」子曰：「非道益之謂也。道彌益而身彌損，夫學者損其自多，以虛受人，故能成其滿博也。天道成而必變，凡持滿而能久者，未嘗有也。故曰自賢者，天下之善言不得聞於耳矣。昔堯治天下之位，猶允恭以持之，克讓以接下，是以千歲而益盛，迄今而逾彰。夏桀昆吾自滿而無極，亢意而

不節，斬刈黎民如草芥焉。天下討之，如誅匹夫。是以千載而惡著，迄今而不滅。滿也。如在輿，遇三人則下之，遇二人則式之，調其盈虛，不令自滿，所以能久也。」子夏曰：「商請志之，而終身奉行焉！」

【要旨】言自損必有益之，自益必有決之。

【注釋】（一）易，易經，經名古卜筮之書。

（二）損益 二卦名。

（三）決 潰壞也。

（四）彌 作「愈」字解。

（五）允恭 信而且恭也。

（六）昆吾 國名，已姓，爲夏伯，故城在今直隸開縣。

（七）允意 極意妄行也。

（八）式 古乘車時，有所敬則俯而憑式，敬禮也。

子路問於孔子曰：「請釋古之道，而行由之意，可乎？」子曰：「不可。昔東夷之子慕諸夏之禮，有女而寡，爲內私壻，終身不嫁；嫁則不嫁矣，亦非貞節之義也。蒼梧嬈娶妻而美，讓與其兄，讓則讓矣，然非禮之讓也。不慎其初，而悔其後，何嗟及矣。今汝欲舍古之道，行子之意，庸知子意不以是爲非，以非爲是乎？後雖欲悔，難哉！」

【要旨】 叙孔子戒子路釋古道而行己意之不可。

【注釋】 (一)釋 捨也。

(二)東夷 在中國東部夷狄也。

(三)諸夏 謂中國也。封建時代，不止一國，故曰諸夏。

(四)內 同「納」。

(五)蒼梧 山名，在今湖南甯遠縣。

(六)何嗟及矣 言雖嗟歎，又何及矣。

曾子耘瓜，誤斬其根。曾皙怒，建大杖以擊其背，曾子仆地而不知人久之。有頃乃蘇，欣然而起，進於曾皙曰：「嚮也參得罪於大人，大人用力教參，得無疾乎？」退而就房，援琴而歌，欲令曾皙而聞之，知其體康也。孔子聞之而怒，告門弟子曰：「參來，勿內。」曾參自以爲無罪，使人請於孔子，子曰：「汝不聞乎？昔瞽瞍有子曰舜，舜之事瞽瞍，欲使之，未嘗不在於側；索而殺之，未嘗可得；小極則待過，大杖則逃走，故瞽瞍不犯不父之罪，而舜不失烝烝之孝。今參事父，委身以待暴怒，殫而不避，既身死而陷父於不義，其不孝孰大焉！汝非天子之民也，殺天子之民，其罪奚若？」曾參聞之曰：「參罪大矣！」遂造孔子而謝過。

【要旨】 言孝親之道，是得其當。

【注釋】 (一)曾皙 名點，南武城人，孔子弟子，曾參之父。

(二) 薏 猶援也。

(三) 警賁 舜之父，舜父有目不能分別好惡，故時人謂之警賁。

(四) 小槿 小杖也。

(五) 烝烝 盛興貌。

(六) 殪 死也。

荆公子行年十五，而攝荆相事。孔子聞之，使人往觀其爲政焉。使者反曰：「視其朝，清淨而少事，其堂上有五老焉，其廊下有二十壯士焉。」孔子曰：「合兩二十五之智以治天下，其固免矣，況荆乎！」

【要旨】言荆公子之爲政。

【注釋】(一) 荆 楚未改國號前曰荆。

(二) 合兩 謂合壯老兩數也。

(三) 固 鄙陋也。

子夏問於孔子曰：「顏回之爲人奚若？」子曰：「回之信賢於丘。」曰：「子貢之爲人奚若？」子曰：「賜之敏賢於丘。」曰：「子路之爲人奚若？」子曰：「由之勇賢於丘。」曰：「子張之爲人奚若？」子曰：「師之莊賢於丘。」子夏避席而問曰：「然則四子何爲事先生？」子曰：「居，吾語汝。夫回能信而不能反，賜能敏而不能訕，由能勇而不能怯，師能莊而不能同。兼四子者之有，以易吾弗與也。此其所以事吾而弗貳也。」

【要旨】言四子各有其長，各有其短，故事孔子而弗貳。

【注釋】（一）顏回 春秋魯人，字子淵，孔子弟子。

（二）子張 春秋陳人，姓顛，孫名師，孔子弟子。

（三）反 反信也，君子言不必信，惟義所在耳。

（四）能敏而不能訕 言只能敏辯而不能受屈也。

（五）能莊而不能同 言雖矜莊而不能有和同時也。

(六)貳 心疑不一也。

孔子遊於泰山，見榮聲期行乎廊之野，鹿裘帶索，鼓琴而歌。孔子問曰：「先生所以爲樂者，何也？」期對曰：「吾樂甚多，而至者三。天生萬物，唯人爲貴，吾旣得爲人，是一樂也。男女之別，男尊女卑，故人以男爲貴，吾旣得爲男，是二樂也。人生有不見日月，不免襁褓者，吾旣以行年九十五矣，是三樂也。貧者士之常，死者人之終，處常得終，當何憂哉？」孔子曰：「善哉！能自寬者也。」

【要旨】叙榮聲期之能自寬得樂。

【注釋】(一)泰山 爲五嶽之一，亦曰岱宗，在山東泰安縣北。

(二)榮聲期 一作榮啓期，或作榮益期。

(三)廊 國名，即今山東甯陽縣境。

(四)索繩也。

(五)襪。被小兒之服。

(六)得宜爲「待」。

孔子曰：「回有君子之道四焉：強於行義，弱於受諫，怵於待讎，慎於治身。史鱗有君子之道三焉：不仕而敬上，不祀而敬鬼，直己而曲於人。」曾子侍曰：「參昔者常聞夫子三言而未之能行也。夫子見人之一善而忘其百非，是夫子之易事也。見人之有善，若己有之，是夫子之不爭也。聞善必躬行之，然後導之，是夫子之能勞也。學夫子之三言而未能行，以自知終不及二子者也。」

【要旨】叙曾子自知未行夫子三言，故終不及二子。

【注釋】(一)怵於待讎。怵，懼也。待，宜作持。言戒懼於居官受祿時也。

(二)史鱗。春秋衛大夫，字子魚，性直，亦稱史魚。

(二)易 治也。

(四)二子 指顏回史鱗。

孔子曰：「吾死之後，則商也日益，賜也日損。」曾子曰：「何謂也？」子曰：「商也好與賢己者處，賜也好說不若己者，不知其子視其父，不知其人視其友，不知其君視其所使，不知其地視其草木，故曰：與善人居，如入芝蘭之室，久而不聞其香，即與之化矣。與不善人居，如入鮑魚之肆，久而不聞其臭，亦與之化矣。丹之所藏者赤，漆之所藏者黑，是以君子必慎其所與處者焉。」

【要旨】言商日益，賜日損之故，是以君子必慎其所與處者。

【注釋】(一)說 同「悅」。

(二)鮑魚 漬魚也，其氣腥臭。

〔三〕梟 同「臭」

曾子從孔子于齊，齊景公以下卿之禮聘曾子，曾子固辭將行，晏子送之，曰：「吾聞之，君子遣人以財，不若善言。今夫蘭本，三年湛之以鹿醢，既成噉之，則易之匹馬，非蘭之本性也，所以湛者美矣，願子詳其所湛者。夫君子居必擇處，遊必擇方，仕必擇君，擇君所以求仕，擇方所以脩道，遷風移俗，嗜欲移性，不可慎乎？」孔子聞之曰：「晏子之言，君子哉！依賢者固不困，依富者固不窮，馬虻斬足而復行，何也？以其輔之者衆。」

【要旨】言君子居必擇處，遊必擇方，仕必擇君。

【注釋】（一）下卿 官名。三代之時，天子諸侯皆置之，分上卿、中卿、下卿三級。

（二）今夫蘭本……則易之匹馬。醢，肉醬也。言蘭草沈於鹿醢中，經時三年，既成而食之，其貴可易匹馬也。

(三) 滿 漬沈也。

(四) 馬蚊 虫名，長寸許，體如圓筒，暗褐色，多環節，每節有脚二對，觸之即蜷曲，成螺旋狀，俗稱香蚊虫。

孔子曰：「以富貴而下人，何人不以富貴而愛人，何人不親。發言不逆，可謂知言矣。言而衆響之，可謂知時矣。是故以富而能富人者，欲貧不可得也。以貴而能貴人者，欲賤不可得也。以達而能達人者，欲窮不可得也。」

【要旨】 言以富貴而下人，何人不愛，以富貴而愛人，何人不親。

【注釋】 (一) 不 「不」字下缺一「愛」字。

(二) 響 響應也。

孔子曰：「中人之情也，有餘則侈，不足則儉，無禁則淫，無度則逸，從欲則敗，是故鞭扑之子，不從父之教，刑戮之民，不從君之令，此言疾之難忍，急之難行也。故君子不急斷，不急制，使飲食有量，衣食有節，宮室有度，畜積有數，

車器有限，所以防亂之原也。夫度量不可明，是中人所由之令。」

【要旨】言君子防亂之方。

【注釋】（一）中人 中庸之人。

（二）侈 奢也，儉之反。

（三）鞭扑 謂以笞小擊也。

（四）令 教令也。

孔子曰：「巧而好度必攻，勇而好問必勝，智而好謀必成，以愚者反之，是以非其人，告之弗聽，非其地，樹之弗生，得其人，如聚砂而雨之，非其人，如會鑿而鼓之。夫處重擅寵，專事妬賢，愚者之情也。位高則危，任重則崩，可立而待。」

【要旨】言處世之道。

【注釋】（一）攻 闢可以攻堅也。

(二)如聚砂而雨之 喻其言可立入也。

孔子曰：「舟非水不行，水入舟則沒，君非民不治，民犯上則傾；是故君子不可不嚴也，小人不可不整一也。」

【要旨】言君子不可不嚴，小人不可不整一。

【注釋】(一)整一 整飭而齊一也。

齊高庭問於孔子曰：「庭不曠山，不直地，衣穰而提贊，精氣以問事君子之道，願夫子告之。」孔子曰：「貞以幹之，敬以輔之，施仁無倦，見君子則舉之，見小人則退之，去汝惡心而忠與之，效其行，脩其禮，千里之外，親如兄弟，行不效，禮不脩，則對門不汝通矣。夫終日言不遺己之憂，終日行不遺己之患，唯智者能之；故自脩者，必恐懼以除患，恭儉以避難者也。終身爲善，一言則敗之，可不慎乎？」

【要旨】叙孔子告高庭自脩之道，在恐懼除患，恭儉避罪。

【注釋】（一）高庭 姓高，名庭，齊人。

（二）不曠山不直地 曠，隔也。直，計也。言不以山之隔，不計地之遠而來也。

（三）穢 蒿草衣也。

（四）提贊 提，持也。贊，所以執爲相見之禮物者。

（五）貞以幹之 言以真正爲幹植也。

辯物第十六

季桓子穿井，獲如土缶，其中有羊焉。使使問於孔子曰：「吾穿井於費，而於井中得一狗，何也？」孔子曰：「丘之所聞者，羊也。丘聞之，木石之怪夔，水之怪龍罔象，土之怪羗羊也。」

【要旨】記孔子之辯物，是羊非狗，非博見多聞，安能辯之。

【注釋】（一）季桓子 季孫斯也，魯之大夫。

(二)費 魯邑名，在今山東費縣。

(三)蝮蝮 蝮，形如龍而一足者。蝮，大虫名，好舉人聲而迷惑人者。

(四)罔象 青面紅身赤髮之怪。

(五)狴 音焚，狴羊，土怪也。

吳伐越，墜會稽，獲巨骨一節，專車焉。吳子使來聘於魯，且問之。孔子命使者曰：「無以吾命也。」賓既將事，乃發幣於大夫及孔子。孔子爵之，既徹俎而燕，客執骨而問曰：「敢問骨何如爲大？」孔子曰：「丘聞之，昔禹致羣臣於會稽之山，防風後至，禹殺而戮之，其骨專車焉，此爲大矣。」客曰：「敢問誰守爲神？」孔子曰：「山川之靈，足以紀綱天下者，其守爲神。社稷之守爲公侯，山川之祀者爲諸侯，皆屬於王。」客曰：「防風何守？」孔子曰：「汪芒氏之君，守封嵎山者，爲漆姓，在虞夏商爲汪芒氏，於周爲長翟氏，今日大人。」

「有客曰：『人長之極幾何？』孔子曰：『焦僂氏長三尺，短之至也。長者不過十，數之極也。』」

【要旨】 記孔子之辯巨骨。

【注釋】 (一) 吳 國名，居於吳，後爲越所滅。

(二) 越 國名，夏少康之後，吳王夫差，敗越王勾踐，躡會稽，後卒報會稽之恥，滅吳。

(三) 墜 毀也。

(四) 會稽 山名，在今浙江紹興縣東南。

(五) 專車 專載於一車也。

(六) 爵之 謂請共飲酒也。

(七) 防風 古國名，今浙江武康縣是。

(八) 汪芒氏 古國名。

(九) 封嵎 山名。

(一〇) 焦僖氏 古短人之國，在西南方。

孔子在陳，陳惠公賓之于上館，時有隼集陳侯之庭而死，楛矢貫之，石矐其長尺有咫，惠公使人持隼如孔子館而問焉。孔子曰：「隼之來遠矣，此肅慎氏之矢。昔武王克商，通道于九夷百蠻，使各以其方賄來貢，而無忘職業。於是肅慎氏貢楛矢石矐，其長尺有咫。先王欲昭其令德之致遠物也，以示後人，使永鑒焉，故銘其括曰：『肅慎氏貢楛矢，以分大姬，配胡公而封諸陳。』古者分同姓以珍玉，所以展親親也；分異姓以遠方之職貢，所以無忘服也。故分陳以肅慎氏貢焉，君若使有司求諸故府，其可得也。」公使人求得之，金牘如之。

【要旨】 記孔子辯隼之由來。

【注釋】 (一) 陳 國名，周初封舜之後胡公於陳。

(二) 陳惠公 哀公孫，名吳，在位二十八年。

(三) 上館 上等之館。

(四) 篲 音笋，鳥名。鷹類中最小者。

(五) 檟 音戶，木名。似荆而赤，可爲矢幹。

(六) 石弩 矢鏃曰弩，石弩，以石爲之者也。

(七) 咫 八寸曰咫。

(八) 肅慎 古國名，今吉林及俄屬東海濱省之地。

(九) 九夷百蠻 九夷，東方九種百蠻，夷狄百種。

(一〇) 大姬 武王之女。

(一一) 胡公 舜之後。

(一二) 金匱 猶金匱也。

鄒子朝魯，魯人問曰：「少皓氏以鳥名官，何也？」對曰：「吾祖也，我知之。」

昔黃帝以雲紀官，故爲雲師而雲名；炎帝以火共工以水，大昊以龍，其義一也。我高祖少皞擊之立也，鳳鳥適至，是以紀之於鳥，故爲鳥師而鳥名。自顓頊氏以來，不能紀遠，乃紀於近，爲民師而命以民事，則不能故也。孔子聞之，遂見鄭子而學焉。既而告人曰：「吾聞之，天子失官，學在四夷，猶信。」

【要旨】言少皞氏以鳥名官之義。

【注釋】(一)鄭子 鄭國之君，鄭少昊之後，小國也。

(二)魯人 謂叔孫昭子也。

(三)少皞氏 卽少昊，名摯，以金德王，故亦曰金天氏，古帝之號。

(四)黃帝以雲紀官 黃帝軒轅氏，受命時有雲瑞，故以雲紀事，百官師長，皆以雲爲名號。

(五)炎帝 卽神農氏。

(六)共工 在神農之前，大昊之後，以諸侯霸有九州者。

(七)大吳 卽伏羲氏。

(八)少皓華 卽少皓氏也。

(九)顓頊氏 黃帝之孫，二十卽帝位，以初國於高陽，故號高陽氏。

(一〇)失官 謂官不修其職也。

(一一)四夷 指郊國言。

邾隱公朝于魯，子貢觀焉。邾子執玉高，其容仰；定公受玉卑，其容俯。子貢曰：「以禮觀之，二君者將有死亡焉。夫禮，生死存亡之體，將左右周旋，進退俯仰，於是乎取之，朝祀喪戎，於是乎觀之。今正月相朝，而皆不度，心以亡矣。嘉事不體，何以能久？高仰驕也，卑俯替也，驕近亂，替近疾，君爲主，其先亡乎？」夏五月公薨，又邾子出犇。孔子曰：「賜不幸而言中，是賜多言。」

【要旨】 記孔子戒子貢之好辯。

【注釋】 (一)邾隱公 邾，國名，後爲楚併。隱公，邾國之君。

(二)定公 昭公弟，名宋，在位十五年。

(三)不度 不得其法度也。

(四)以同「已」。

(五)嘉事不體 朝聘嘉事也。不體，不得其體也。

(六)奔 同「奔」。

孔子在陳，陳侯就之燕焉。子遊行，路之人云：「魯司鐸災，及宗廟。」以告孔子。子曰：「所及者其桓僖之廟。」陳侯曰：「何以知之？」子曰：「禮祖有功而宗有德，故不毀其廟焉。今桓僖之親盡矣，又功德不足以存其廟，而魯不毀，是以天災加之。」三日，魯使至問焉，則桓僖也。陳侯謂子貢曰：「吾乃今知聖人之可貴。」對曰：「君之知之可矣，未若專其道而行其化之善也。」

【要旨】 言災及桓僖宗廟之故。

(一)可歸 官名。

(二)桓僖 魯桓公僖公。

陽虎既犇齊，自齊犇晉，適趙氏。孔子聞之，謂子路曰：「趙氏其世有亂乎？」子路曰：「權不在焉，豈能爲亂？」孔子曰：「非汝所知。夫陽虎親富而不親仁，有寵於季孫，又將殺之，不剋而犇，求容於齊，齊人囚之，乃亡歸晉，是齊魯二國已去其疾。趙簡子好利而多信，必溺其說，而從其謀，禍敗所終非一世可知也。」

【要旨】言陽虎之親富而不親仁，從之必遭禍敗。

【注釋】(一)陽虎 字貨，季氏家臣。

(二)犇 同「奔」。

(三)趙氏 指趙簡子，見後。

(四)季孫 魯公子季友之後。

孔子家語讀本 卷上

(五)剋 勝也。

(六)趙簡子 趙武之孫，名鞅，魯定公時爲卿。

季康子問於孔子曰：「今周十二月，夏之十月，而猶有螽，何也？」孔子對曰：「丘聞之，火伏而後螽者畢，今火猶西流，司歷過也。」季康子曰：「所失者，幾月也？」孔子曰：「於夏十月，火既沒矣，今火見，再失閏也。」

【要旨】 記孔子之辯歷。

【注釋】 (一)季康子 卽季孫肥，斯之子，卒於哀公末年。

(二)螽 虫名，種類頗多，舊說爲蝗虫總名。

(三)火伏 謂大火心星伏而不見也。

(四)螽 螽虫也。虫類之伏藏者。

(五)司歷 司年歷之人。

吳王夫差將與哀公見晉侯。子服景伯對使者曰：「王合諸侯，則伯率侯。」

牧以見於王，伯合諸侯，則侯率子男以見於伯。今諸侯會而君與寡君見晉君，則晉成爲伯矣。且執事以伯召諸侯，而以侯終之，何利之有焉？」吳人乃止。既而悔之，遂囚景伯。伯謂太宰嚭曰：「魯將以十月上辛，有事于上帝先王，季辛而畢，何也？世有職焉。自襄已來，未之改也。若其不會，祝宗將曰：『實然。』」嚭言於夫差，歸之子貢聞之，見於孔子曰：「子服氏之子，拙於說矣，以實獲囚，以詐得免。」孔子曰：「吳子爲夷德，可欺而不可以實，是聽者之蔽，非說者之拙。」

【要旨】 記孔子辯子服氏說之非細。

【注釋】 (一) 吳王夫差 闕廬子，在位二十三年。

(二) 哀公 魯哀公也。吳子魯哀公十三年，與晉侯會於黃池。

(三) 子服景伯 魯大夫，名何，諡曰景伯。

(四) 侯牧 方伯名。

(五) 太宰 詒伯州犖孫，奔吳，夫差時爲太宰，故曰太宰詒。

(六) 有事 有祭事也。

(七) 襄 指魯襄公。

(八) 祝宗 司祝之官。

(九) 夷德 夷狄之德。

叔孫氏之車士曰子鉏商，採薪於大野，獲麟焉，折其前左足，載以歸。叔孫以爲不祥，棄之於郭外，使人告孔子曰：「有麇而角者，何也？」孔子往觀之，曰：「麟也，胡爲來哉！胡爲來哉！」反袂拭面，涕泣沾衿，叔孫聞之，然後取之。子貢問曰：「夫子何泣爾？」孔子曰：「麟之至，爲明王也，出非其時而見害，吾是以傷焉。」

【要旨】 記孔子傷麟出非其時，而致見害。

【注釋】(一)叔孫氏 出自姬姓，魯桓公第三子，懿伯叔，立其後爲叔孫氏。

(二)車士 御者也。

(三)子鉏商 姓子，名鉏商。

(四)大野 地名，在今山東嘉祥縣獲麟堆。

(五)麋 音君，鹿之一種。

哀公問政第十七

哀公問政於孔子。孔子對曰：「文武之政，布在方策。其人存則其政舉，其人亡則其政息。天道敏生，人道敏政，地道敏樹。夫政者，猶蒲盧也。待化以成，故爲政在於得人。取人以身，脩道以仁。仁者人也，親親爲大，義者宜也，尊賢爲大，親親之教，尊賢之等。禮所以生也，禮者，政之本也。是以君子不可以不脩身，思脩身不可以不事親，思事親不可以不知人，思知人不可以不知天。天下之達道有五，其所以行之者三。曰：君臣也，父子也，夫婦也，昆弟也，朋友

也，五者天下之達道。智仁勇三者，天下之達德也，所以行之者一也。或生而知之，或學而知之，或困而知之，及其知之，一也。或安而行之，或利而行之，或勉強而行之，及其成功，一也。」公曰：「子之言美矣！至矣！寡人實固，不足以成之也。」孔子曰：「好學近乎智，力行近乎仁，知恥近乎勇，知斯三者，則知所以脩身，知所以脩身，則知所以治人，知所以治人，則能成天下國家者矣。」公曰：「政其盡此而已乎？」孔子曰：「凡爲天下國家有九經，曰：脩身也，尊賢也，親親也，敬大臣也，體羣臣也，重庶民也，來百工也，柔遠人也，懷諸侯也。夫脩身則道立，尊賢則不惑，親親則諸父兄弟不怨，敬大臣則不眩，體羣臣則士之報禮重，重庶民則百姓勸，來百工則財用足，柔遠人則四方歸之，懷諸侯則天下畏之。」公曰：「爲之奈何？」孔子曰：「齋潔盛服，非禮不動，所以脩身也；去讒遠色，賤利而貴德，所以尊賢也；爵其能，重其祿，同其好惡，

所以篤親親也；官盛任使，所以敬大臣也；忠信重祿，所以勸士也；時使薄斂，所以子百姓也；日省月考，餼廩稱事，所以來百工也；送往迎來，嘉善而矜不能，所以綏遠人也；繼絕世，舉廢邦，治亂持危，朝聘以時，厚往而薄來，所以懷諸侯也；治天下國家有九經，其所以行之者，一也。凡事豫則立，不豫則廢，言前定則不跲，事前定則不困，行前定則不疾，道前定則不窮；在下位不獲于上，民弗可得而治矣；獲于上有道，不信于友，不獲于上矣；信于友有道，不順于親，不信于友矣；順于親有道，反諸身不誠，不順于親矣；誠身有道，不明于善，不誠于身矣。誠者，天之道也；誠之者，人之道也。夫誠弗勉而中，不思而得，從容中道，聖人之所以定體也。誠之者，擇善而固執之者也。公曰：「子之教寡人備矣，敢問行之所始？」孔子曰：「立愛自親始，教民睦也；立敬自長始，教民順也；教之慈睦，而民貴有親，教以敬，而民貴用命，民既孝於親，又順

以聽命，措諸天下，無所不可。」公曰：「寡人既得聞此言也，懼不能果行而獲罪咎。」

【要旨】 記孔子與哀公言爲政之道。

【注釋】 (一) 哀公 魯哀公，定公之子，名蔣，在位二十七年。

(二) 文武 謂周文王武王也。

(三) 方策 方木版，策竹簡，所以布政者。

(四) 敏 勉也。

(五) 蒲盧 螺贏也，亦卽土蜂，取螟蛉而化之，以爲子，爲政化百姓，亦猶是也。

(六) 等 序次也。

(七) 達道 人人共由之道。

(八) 達德 常行不變之德。

(九) 困 不通也。

(一〇)固鄙陋之意。

(一一)九經 指修身、尊賢、親親、敬大臣、體羣臣、重庶民、來百工、柔遠人、懷諸侯九者而

言。

(一二)體 體察也，謂設身處地而察之也。

(一三)柔遠人 言安遠人也。

(一四)齊絜盛服 言心志潔而衣服整也。

(一五)官盛任使 盛其官委任使之也。

(一六)子百姓 以百姓爲子也。

(一七)餼廩稱事 餼廩食之多福，稱其事也。

(一八)哈 音夾，顛蹶也。

(一九)定體 猶言安身也。

(二〇)果行 決行也。

孔子家語 讀本 卷上

宰我問於孔子曰：「吾聞鬼神之名，而不知所謂，敢問焉。」孔子曰：「人生有氣，有魄。氣者，神之盛也。衆生必死，死必歸土，此謂鬼。魂氣歸天，此謂神。合鬼與神而享之，教之至也。骨肉弊於下，化爲野土，其氣揚于上，此神之著也。聖人因物之精，制爲之極，明命鬼神，以爲民之則。而猶以是爲未足也，故築爲宮室，設爲宗祧，春秋祭祀，以別親疎，教民反古復始，不敢忘其所由生也。衆之服自此，故聽且速焉。教以二端，二端既立，報以二禮。建設朝事，燔燎糗糲，所以報氣也；薦黍稷，脩肺肝，加以鬱鬯，所以報魄也；此教民脩本，反始崇愛，上下用情，禮之至也。君子反古復始，不忘其所由生，是以致其敬，發其情，竭力從事，不敢不自盡也。此之謂大教。昔者文王之祭也，事死如事生，思死而不欲生，忌日則必哀，稱諱則如見親，祀之忠也。思之深，如見親之所愛，祭欲見親之顏色者，其唯文王與？」詩云：「明發不寐，有懷二人。」一則文王之

謂與祭之明日，明發不寐，有懷二人，敬而致之，又從而思之。祭之日，樂與哀半，饗之必樂，已至必哀，孝子之情也。文王爲能得之矣。」

【要旨】 記孔子答宰我鬼神之所謂。

【注釋】 (一) 氣者，神之盛也。言精氣爲人神之盛者也。

(二) 教之至。合鬼神而事之者，孝道之至。孝者，教之所由生也。

(三) 制爲之極。極中制爲中法。

(四) 明命。猶尊名也。

(五) 宗祧。宗，宗廟也。祧，遠廟也。

(六) 聽。謂慎教令也。

(七) 二端。指氣魄二者言。

(八) 二禮。謂薦黍稷也。

(九) 燔燎膾蕭。以火燒香料也。膾蕭，均香料。

(一〇) 鬱鬱 鬱，香草，鬱，樽也。

(一一) 反始崇愛 反其所由生，乃能相愛。

(一二) 忌日 死者生辰死期，皆稱忌日。

(一三) 諱 生時名曰名，死後名曰諱。

(一四) 二人 指父母言。

(一五) 已至必哀 已至，謂祭事已畢，不知親饗與否，故哀。

顏回第十八

魯定公問於顏回曰：「子亦聞東野畢之善御乎？」對曰：「善則善矣，雖然其馬將佚。」定公色不悅，謂左右曰：「君子固有誣人也。」顏回退後三日，牧來訴之曰：「東野畢之馬佚兩驂，曳兩服入于廐。」公聞之，越席而起，促駕召顏回，回至，公曰：「前日寡人問吾子以東野畢之御，而子曰善則善矣，其馬將佚，不識吾子奚以知之？」顏回對曰：「以政知之。昔者帝舜巧

於使民造父巧於使馬，舜不窮其民力，造父不窮其馬力，是以舜無佚民，造父無佚馬。今東野畢之御也，升馬執轡，銜體正矣，步驟馳騁，朝禮畢矣，歷險致遠，馬力盡矣，然而猶乃求馬不已，臣以此知之。」公曰：「善！誠若吾子之言也。吾子之言，其義大矣，願少進乎？」顏回曰：「臣聞之，鳥窮則啄，獸窮則攫，人窮則詐，馬窮則佚，自古及今，未有窮其下而能無危者也。」公悅，遂以告孔子。孔子對曰：「夫其所以爲顏回者，此之類也，豈足多哉！」

【要旨】叙東野畢善御佚馬，以證自古及今，未有窮其下而能無危者。

【注釋】（一）魯定公 見前。

（二）東野畢 春秋時之善御者。

（三）佚 逃也。

（四）騶 駢馬也，謂駕車之馬。

（五）廐 馬舍曰廐。

孔子家語讀本 卷上

(六)造父 古之善御者，周穆王時，以御八駿之功，封趙城，由此爲趙氏。

(七)銜轡 御馬之姿勢也。

(八)朝禮 馬步驟馳騁，參禮之儀也。

(九)少進 少進教言於我也。

(一〇)覆 疑「覆」之誤，覆，撲取也。

(一一)豈足多哉 言豈足多取也。

孔子在衛，昧旦晨興，顏回侍側，聞哭者之聲甚哀。子曰：「回！汝知此何所哭乎？」對曰：「回以此哭聲，非但爲死者而已，又有生離別者也。」子曰：「何以和之？」對曰：「回聞桓山之鳥，生四子焉，羽翼既成，將分于四海，其母悲鳴而送之，哀聲有似於此，謂其往而不返也，回竊以音類知之。」孔子使人問哭者，果曰：「父死家貧，賣子以葬，與之長決。」子曰：「回也，善於識音矣！」

【要旨】 叙顏回之善於識音。

【注釋】 (一) 衛 國名，今直隸舊大名府，開州以西至河南之衛輝懷慶，皆舊衛地。

(二) 昧旦 天將明未明之時。

(三) 桓山 未詳。

(四) 長決 長此決別也。

顏回問於孔子曰：「成人之行若何？」子曰：「達于情性之理，通於物類之變，知幽明之故，覩游氣之原，若此可謂成人矣。既能成人，而又加之以仁義禮樂，成人之行也。若乃窮神知禮，德之盛也。」

【要旨】 言成人之行。

【注釋】 (一) 成人 猶言完全之人也。

(二) 幽明 有形無形之象。

(三) 游氣 浮行之氣。

(四)禮 宣作「化」

顏回問於孔子曰：「臧文仲武仲孰賢？」孔子曰：「武仲賢哉！」顏回曰：「武仲世稱聖人，而身不免於罪，是智不足稱也；好言兵討，而挫銳於邾，是智不足名也。夫文仲其身雖歿，而言不朽，惡有未賢！」孔子曰：「身歿言立，所以爲文仲也；然猶有不仁者三，不智者三，是則不及武仲也。」回曰：「可得聞乎？」孔子曰：「下展禽，置六關，妾織蒲，三不仁；設虛器，縱逆祀，祠海鳥，三不智。武仲在齊，齊將有禍，不受其田，以避其難，是智之難也。夫臧武仲之智，而不容於魯，抑有由焉，作而不順，施而不恕也。夫夏書曰：『念茲在茲，順事恕施。』」

【要旨】言文仲有不仁者三，不智者三，是以不及武仲賢。

【注釋】(一)臧文仲武仲 文仲即臧孫辰，武仲即臧孫乾，皆爲魯大夫。

(二) 挫銳於郟 武仲與郟戰而敗績，故云挫銳於郟。

(三) 下展禽 展禽，柳下惠也，知其賢而使在下位，不與立於朝也。

(四) 置六關 六關，關名，魯本無此關，文仲置之，以稅行者。

(五) 妾織蒲 織蒲，織席也。言文仲爲國爲家，在於貪利。

(六) 設虛器 文仲居蔡，蔡夫子之守龜，非文仲所有，故曰虛器。

(七) 縱逆祀 夏父弗忌爲宋人，躋僖公於閔公之上，文仲縱而不禁。

(八) 祠海鳥 海鳥止於魯東門之上，文仲不知而令國人祠之。

(九) 武仲在齊……以避其難 武仲在齊，齊莊公將與之田，武仲知莊公將有難，避而不受。

(一〇) 作而不順施而不怨 不順不怨，爲廢適立庶，武仲之所以然，欲爲施於季氏也。

(一一) 夏書 尙書紀夏后氏之書曰夏書。

(一二) 茲 同「此」

(一三) 順事恕施 當順其事恕其施也。

顏回問君子孔子曰：「愛近仁，度近智，爲己不重，爲人不輕，君子也夫。」
回曰：「敢問其次。」子曰：「弗學而行，弗思而得，小子勉之！」

【要旨】 言君子之行。

【注釋】 (一) 度 度事而行。

(二) 次 其次之行也。

仲孫何忌問於顏回曰：「仁者一言而必有益於仁，智，可得聞乎？」回曰：「一言而有益於智，莫如預；一言而有益於仁，莫如恕。夫知其所不可由，斯知所由矣。」

【要旨】 言一言而有益於智，莫如預；一言而有益於仁，莫如恕。

【注釋】 (一) 仲孫何忌 春秋魯大夫，卽孟懿子。

(二) 預 預爲之備也。

(三)由 自也。

顏回問小人。孔子曰：「毀人之善以爲辯，狡訐懷詐以爲智，幸人之有過，恥學而羞不能，小人也。」

【要旨】 言小人之行。

【注釋】 (一)辯 明察也。

(二)狡訐 猾獮曰狡，發人陰私曰訐。

顏回問子路曰：「力猛於德而得其死者鮮矣，盍慎諸焉！」孔子謂顏回曰：「人莫不知此道之美，而莫之御也，莫之爲也，何居，爲聞者盍曰思也夫！」

【要旨】 言力猛於德之宜慎。

【注釋】 (一)盍 作「何不」解。

(二)御 猶「待」。

顏回問於孔子曰：「小人之言，有同乎君子者，不可不察也。」孔子曰：「

君子以行言，小人以舌言。故君子於爲義之上，相疾也；退而相愛；小人於爲亂之上，相愛也；退而相惡。」

【要旨】言君子小人之言之不同。

【注釋】（一）行言 言以所行者，故曰行言。

（二）舌言 言以舌，猶云空言也。

（三）君子於爲義之上相疾也 相疾，急欲相勸，令爲仁義也。

（四）小人於爲亂之上相愛也退而相惡 樂施爲亂，是以相愛，退而相惡，是小人之不

能久親也。

顏回問朋友之際如何。孔子曰：「君子之於朋友也，心必有非焉，而弗能謂，吾不知其仁人，也不忘久德，不思久怨，仁矣夫！」

【要旨】言交友之道。

【注釋】（一）不忘久德，不思久怨 言有德於我，雖久而不忘；有怨於我，則雖久而不思也。

叔孫武叔見，未仕於顏回，回曰：「賓之。」武叔多稱人之過，而已評論之。顏回曰：「固子之來辱也，宜有得於回焉。吾聞諸孔子曰：『言人之惡，非所以美己；言人之枉，非所以正己。』故君子攻其惡，無攻人之惡。」

【要旨】言君子不當攻人之惡。

【注釋】（一）叔孫武叔 未詳。

（二）賓之 以賓客之禮待之也。

（三）辱 言辱蒙屈身而來也。

（四）枉 邪曲也。

（五）正己 正自己也。

顏回謂子貢曰：「吾聞諸夫子，身不用禮，而望禮於人，身不用德，而望德於人，亂也。夫子之言，不可不思也。」

【要旨】言欲望禮於人，當身用禮，欲望德於人，當身用德。

【注釋】（一）身不用禮而望禮於人 言自己不用禮待人，而望人以禮待之也。

（二）身不用德而望德於人 言自己不修德，而望人以德也。

（三）亂 紊也。

子路初見第十九

子路見孔子。子曰：「汝何好樂？」對曰：「好長劍。」孔子曰：「吾非此之問也，徒謂以子之所能，而加之以學問，豈可及乎？」子路曰：「學豈益也哉？」孔子曰：「夫人君而無諫臣，則失正；士而無教友，則失聽；御狂馬不釋策，操弓不反檠，木受繩則直，人受諫則聖，受學重問，孰不順哉？毀仁惡士，必近於刑，君子不可不學。」子路曰：「南山有竹，不揉自直，斬而用之，達于犀革。以此言之，何學之有？」孔子曰：「括而羽之，鏃而礪之，其入之不亦深乎？」子路再拜曰：「敬而受教。」

【要旨】言君子不可不學。

【注釋】（一）御狂馬不釋策。御狂馬者不得釋策也。

（二）操弓不反擊。弓不反於擊，然後可持。

（三）毀仁惡士。謗毀仁者，而增怨士人也。

（四）揉。擦摩曰揉。

（五）達于犀革。達於犀牛之皮，犀牛皮極堅厚，古人恆用以製甲。

（六）括而羽之，鏃而矐之。羽，五音之一，言括之成羽也。鏃，箭頭，言磨之成箭頭也。

子路將行，辭於孔子。子曰：「贈汝以車乎？贈汝以言乎？」子路曰：「請以言！」孔子曰：「不强不達，不勞無功，不忠無親，不信無復，不恭失禮，慎此五者而已。」子路曰：「由請終身奉之，敢問親交取親，若何？言寡可行，若何？長爲善士而無犯，若何？」孔子曰：「汝所問，苞在五者中矣。親交取親，其忠也；言寡可行，其信乎；長爲善士而無犯於禮也。」

【要旨】 記子路將行，孔子贈之以言。

注釋

(一) 不强不達 人不以強力，則不能自達也。

(二) 不信無復 信近於義，言可復也，言而不信，則無可復。

(三) 可行 可行事也。

(四) 苞 同「包」。

孔子爲魯司寇，見季康子，康子不悅。孔子又見之，宰予進曰：「昔予也常聞諸夫子曰：『王公不我聘，則弗動。』今夫子之於司寇也，日少而屈節數矣，不可以已乎？」孔子曰：「然，魯國以衆相陵，以兵相暴之日久矣，而有司不治，則將亂也，其聘我者，孰大於是哉？」魯人聞之曰：「聖人將治，何不先自遠刑罰？」自此之後，國無爭者。孔子謂宰予曰：「遠山十里，蟪蛄之聲，猶在於耳，故政事莫如應之。」

【要旨】 言爲政須慎聽而後行。

【注釋】

(一)季康子 卽季孫肥，春秋魯大夫，齊屢伐魯，季氏用冉有有功，孔子自衛反魯，齊歸

魯侵地，哀公末年卒，臨康。

(二)宰予 字子我，孔子弟子，在言語科，仕齊爲臨菑大夫。

(三)日少而屈節數矣 請在司寇官小日淺而屈節數見於季孫也。

(四)遠 去也。

(五)蟪蛄 蝻蟥也，蝻蟥之聲，去山十里，猶在於耳，以其鳴而不已也。

(六)故政事莫如應之 言政事亦當如是，須慎聽之然後行之者也。

孔子兄子有孔蔑者，與宓子賤皆仕。孔子往過孔蔑而問之曰：「自汝之仕，何得何亡？」對曰：「未有所得，而所亡者三。王事若龍，學焉得習，是學不得明也；俸祿少，饘粥不及親戚，是骨肉益疎也；公事多急，不得弔死問疾，是朋友之道闕也；其所亡者三，卽謂此也。」孔子不悅，往過子賤，問如孔蔑對曰：「自來仕者無所亡，其有所得者三。始誦之，今得而行之，是學益明也；俸

祿所供，被及親戚，是骨肉益親也。雖有公事而兼以弔死問疾，是朋友篤也。
「孔子喟然謂子賤曰：『君子哉！若人，魯無君子者，則子賤焉取此。』」

【要旨】 叙孔子讚美子賤，曰爲君子。

【注釋】 (一) 孔蔑 卽孔忠，孔子兄子，字子蔑。

(二) 宓子賤 卽宓不齊，孔子弟子，嘗宰單父，後世追封爲單父侯。

(三) 王事若龍 龍宜爲警懼也。言王事前後相因，恐有失也。

(四) 饘粥 稀粥也。

(五) 若人 猶言是人也，卽指子賤。

(六) 魯無君子者 則子賤焉取此。如魯無君子，則此人安得而學之。

孔子侍坐於哀公，賜之桃與黍焉。哀公曰：「請。」孔子先食黍而後食桃，左右皆掩口而笑。公曰：「黍者所以雪桃，非爲食之也。」孔子對曰：「丘知之矣，然夫黍者，五穀之長，郊禮宗廟，以爲上盛。藁屬有六，而桃爲下，祭祀不

用，不登郊廟。丘聞之，君子以賤雪貴，不聞以貴雪賤，今以五穀之長，雪菓之下者，是從上雪下臣，以爲妨於教，害於義，故不敢。」公曰：「善哉！」

【要旨】 孔子自言先食黍而後食桃之故。

【注釋】 (一) 雪桃 拭桃也。

(二) 上盛 上等之盛品。

(三) 郊廟 祭天地之廟。

子貢曰：「陳靈公宣嬀於朝，泄冶正諫而殺之，是與比干諫而死，同可謂仁乎？」子曰：「比干於紂，親則諸父，官則少師，忠報之心，在於宗廟而已，固必以死爭之。冀身死之後，紂將悔寤，其本志情，在於仁者也。泄冶之於靈公，位在大夫，無骨肉之親，懷寵不去，仕於亂朝，以區區之一身，欲正一國之嬀昏，死而無益，可謂狷矣。詩曰：『民之多僻，無自立辟。』其泄冶之謂乎！」

【要旨】言澠冶之諫而死，與比干之諫而死，不可同謂之仁。

【注釋】（一）陳靈公宣嬀於朝，陳靈公與卿共禱夏姬，故稱宣嬀於朝。

（二）澠冶，靈公時爲大夫，以諫而死。

（三）比干，紂之諸父，以諫紂而死者。

（四）諸父，伯叔之通稱。

（五）少師，官名，亦作小師。

（六）狷，躁急也。

（七）民之多僻，無自獨辟，言民之多邪者，則無以自立法也。

孔子相魯，齊人患其將霸，欲敗其政，乃選好女子八十人，衣以文飾，而舞容璣，及文馬四十駟，以遺魯君。陳女樂，列文馬于魯城南高門外。季桓子微服往觀之。再三將受焉，告魯君爲周道遊觀。觀之終日，怠於政事。子路言於孔子曰：「夫子可以行矣。」孔子曰：「魯今且郊，若致膳於大夫，則是未廢

其常，吾猶可以止也。」桓子既受女樂，君臣嬉荒，三日不聽國政，郊又不致。膳，組孔子遂行，宿於郭屯。師已送曰：「夫子非罪也。」孔子曰：「吾欲可乎？」歌曰：「彼婦人之口，可以出走，彼婦人之誥，可以死敗，優哉遊哉，聊以卒歲。」

【要旨】 叙孔子所以去魯之故。

【注釋】 (一)容璣 舞曲名。

(二)文馬四十駟 四馬曰駟，文馬，華美之馬也。

(三)季桓子 卽季孫斯，春秋魯大夫。

(四)周道遊觀 在大道遊觀也。

(五)致膳於大夫 致祭肉於大夫也。

(六)郭屯 地名。

(七)師已 人名，未詳。

孔子家語讀本 卷上

(八) 彼婦人之口：聊以卒歲。謂婦人口請詞，足以使人死敗，故可出走，士既不遇，不得不優遊以終歲也。

澹臺子羽有君子之容，而行不勝其貌，宰我有文雅之辭，而智不充其辯。孔子曰：「里語云：『相馬以輿，相士以居。』弗可廢矣；以容取人，則失之子羽；以辭取人，則失之宰予。」孔子曰：「君子以其所不能畏人，小人以其所不能不信人，故君子長人之才，小人抑人而取勝焉。」

【要旨】言澹臺子羽宰我之各有所長，各有所短，故君子長人之才，小人則抑人而取勝。

【注釋】(一) 澹臺子羽 卽澹臺滅明，春秋魯武城人，孔子弟子。

(二) 宰我 卽宰予，見前。

(三) 里語 里巷之語。

孔蔑問行己之道，子曰：「知而弗爲，莫如勿知；親而弗信，莫如勿親；樂之方至，樂而勿驕，患之將至，思而勿憂。」孔蔑曰：「行己乎？」子曰：「攻其所

不能補其所不備，毋以其所不能疑人，毋以其所能驕人，終日言，無遺已憂，終日行，不遺已患，唯智者有之。」

【要旨】言行己之道。

【注釋】（一）孔蔑，孔子之兄子，見前。

（二）行己乎，言行己之道，此而已乎。

在厄第二十

楚昭王聘孔子，孔子往拜禮焉，路出于陳蔡，陳蔡大夫相與謀曰：「孔子聖賢，其所刺譏，皆中諸侯之病，若用於楚，則陳蔡危矣。」遂使徒兵距孔子，孔子不得行，絕糧七日，外無所通，藜藿不充，從者皆病，孔子愈慷慨，講誦絃歌不衰。乃召子路而問焉，曰：「詩云：『匪兕匪虎，率彼曠野。』吾道非乎，奚爲至於此？」子路慍作色而對曰：「君子無所困，意者夫子未仁與人之弗

吾信也。意者夫子未智與？人之弗吾行也。且由也昔者聞諸夫子，爲善者天報之以福，爲不善者天報之以禍，今夫子積德懷義，行之久矣，奚居之窮也？

「子曰：『由，未之識也。吾語汝，汝以仁者爲必信也，則伯夷叔齊不餓死首陽；汝以智者爲必用也，則王子比干不見剖心；汝以忠者爲必報也，則關龍逢不見刑；汝以諫者爲必聽也，則伍子胥不見殺。夫遇不遇者，時也，賢不肖者，才也。君子博學深謀而不遇時者，衆矣，何獨丘哉！且芝蘭生於深林，不以無人而不芳，君子修道立德，不爲窮困而敗節，爲之者，人也，生死者，命也。是以晉重耳之有霸心，生於曹衛，越王句踐之有霸心，生於會稽，故居下而無憂者，則思不遠，處身而常逸者，則志不廣。庸知其終始乎？』」

「子路出，召子貢，告如子路。子貢曰：『夫子之道至大，故天下莫能容夫子。夫子盍少貶焉。』」

子曰：「賜良農能稼，不必能穡；良工能巧，不能爲順。君子能修其道，綱而紀

之，不必其能容，今不修其道而求其容，賜，爾志不廣矣，思不遠矣。」子貢出，顏回入，問亦知之。顏回曰：「夫子之道至大，天下莫能容，雖然，夫子推而行之，世不我用，有國者之醜也，夫子何病焉？不容，然後見君子。」孔子欣然歎曰：「有是哉！顏氏之子，吾亦使爾多財，吾爲爾宰。」

【要旨】 記孔子厄於陳蔡，深歎君子之博學深謀而不遇於時。

【注釋】 (一) 楚昭王 平王之子，名壬，在位二十七年，卒於城父，陰昭。

(二) 陳蔡 國名，陳在今河南舊開封府以東南至安徽 亳州地。蔡在今河南汝南上

蔡新蔡等縣地。

(三) 距 同「批」。

(四) 黎羹 平民之羹也。

(五) 匪兕匪虎 率彼曠野 言非兕虎，而循曠野也，喻陳蔡之卒徒。

(六) 愼 含怒貌。

孔子家語讀本 卷上

(七)人之弗吾行也。言人不使通行而困窮者。

(八)伯夷叔齊。餓孤竹君之二子，武王有天下，夷齊恥食周粟，餓死於首陽山。

(九)首陽。山名，在山西永濟縣南，卽雷首山，亦曰首山，夷齊餓死於此。

(一〇)王子比干。比干，紂之諸父，故稱王子比干。

(一一)關龍逢。夏之賢臣。夏桀無道，爲酒池糟丘，龍逢極諫，桀囚而殺之。

(一二)伍子胥。名員，春秋時楚人，乞食奔吳，佐吳伐楚，敗越，後爲夫差所殺。

(一三)晉重耳。卽晉文公，名重耳，以殺太子申生奔狄，困於曹衛，在位十九年，年六十。

二才歸晉，繼齊桓公而霸諸侯。

(一四)越王勾踐。因敗於吳，困於會稽，乃用范蠡文種十年生聚，十年教訓之策，卒以滅吳。

(一五)會稽。山名，在今浙江紹興縣東南十三里。

(一六)庸。同「用」。

(一七) 貶 抑也。

(一八) 良農能稼不必能穡 種之爲稼，歛之爲穡，言良農能善種之，未必能斂種之也。

(一九) 良工能巧不能爲順 言良工能巧，不能每順人意也。

(二〇) 宰 主財者也。

子路問於孔子曰：「君子亦有憂乎？」子曰：「無也。君子之修行也，其未得之，則樂其意，既得之，又樂其治，是以有終身之樂，無一日之憂。小人則不然，其未得也，患弗得之，既得之，又恐失之，是以有終身之憂，無一日之樂也。」

【要旨】言君子有終身之樂，無一日之憂，小人有終身之憂，無一日之樂。

曾子弊衣而耕於魯，魯君聞之而致邑焉，曾子固辭不受。或曰：「非子之求，君自致之，奚固辭也？」曾子曰：「吾聞受人施者常畏人，與人者常驕人，縱君有賜，不我驕也，吾豈能勿畏乎？」孔子聞之曰：「參之言足以全其節。」

也。」

【要旨】 記曾子不受魯君致邑之故。

【注釋】 (一)弊衣 破衣也。

(二)致邑 贈之以邑也。

孔子厄於陳蔡，從者七日不食，子貢以所賚貨，竊犯圍而出，告糴於野人，得米一石焉。顏回仲由炊之於壞屋之下，有埃墨墮飯中，顏回取而食之，子貢自井望見之，不悅，以爲竊食也。入問孔子曰：「仁人廉士，窮改節乎？」孔子曰：「改節，卽何稱於仁廉哉！」子貢曰：「若回也，其不改節乎？」子曰：「然。」子貢以所飯告孔子，子曰：「吾信回之爲仁久矣，雖汝有云，弗以疑也，其或者必有故乎？」汝止，吾將問之。」召顏回曰：「疇昔予夢見先人，豈或啓祐我哉？子炊而進飯，吾將進焉。」對曰：「向有埃墨墮飯中，欲置之則不潔，